

DISSERTATIO ANATOMICO-PHYSIOLOGICA
DE
LABYRINTHI
AURIS
CONTENTIS

QUAM
ILLUSTRIS FACULTATIS MEDICÆ
CONSENSU
PRO

GRADU DOCTORIS

LEGITIME OBTINENDO

SOLEMNITER DEFENDET

PHILIPPUS FRIDERICUS
MECKEL

BEROLINENSIS

DIE XXVIII. MAJI MDCCLXXVII.

H. L. Q. C.

ARGENTORATI

Typis JOH. HENRICI HEITZII, Univerſit. Typogr.



MANIBUS
PATERNIS
SACRUM.




Digitized by the Internet Archive
in 2020 with funding from
Wellcome Library

https://archive.org/details/b31873145_0001



PROŒMIUM.



Per omnia quæ ad nostros usque dies fugere secula, de nullo alio sonorum ad nervum auditui destinatum deferendorum intra labyrinthum, intimam aurium supra tympanum locatam cavitatem, medio, nisi de aëre, fuit cogitatum. Imo circa hujus naturam ita versati sunt Physiologi, ut mox in duas partes abierint, aliique implantatum, ingenitum, inædificatum, purissimum, peculiaris naturæ; alii vero cum externo communem, fecerint. Sedecim demum abhinc annis surrexit Vir, tam Praxi, quam insigni Anatomæ cognitione clarus *a)* novumque medium internum, Aquulam nempe, totum Labyrinthum opplentem, aëri substituit, quem nemo ne quidem antea in dubium vocare ausus fuerat. Novam rem confirmandi ergo, plurima suscepi pericula, quæ in hocce specimine relata reperiuntur.

A

a) DOMINICUS COTUNNI in *Diff. de Aquæductibus auris humanæ internæ*. Napoli 1760. in 4to. reimpressa fuit Viennæ 1774. 8vo. exstat quoque in *Thesauro Diff.* quem collegit Cl. SANDIFORT, Roterod. 1768. 4to Tom. I. Præcipuus operis locus pro nostra re est §. XXIX. Ill. VIRO in pra-

xi præclara merita nemo denegabit, qui EJUSD. librum de *Ischiade nervosa*, Viennæ 1770 8vo editum, in *Thesauro Sandifortiano* æque reperiundum, aliumque, qui sub titulo: *Syntagma de Sede Variolarum*, Viennæ 1771. 8vo & Napoli ac Bononiæ 1775. 8vo prodiit, legerit.



§. I.

Labyrinthi humoris historia, ante Ill. COTUNNUM.

Frequentius in exsiccatis, quam in recentibus ossibus institutæ partium intimarum auditus organi disquisitiones in causâ fuisse videntur, cur ante VALSALVAM a nemine *b)* observatum fuerit: labyrinthum humore intus madere. Ex quo enim hic primus, ut ipse asserit, rem proposuit *c)*; omnes qui postea de aurium structura ex professo egere, eandem confirmarunt, VIEUSSENSIUM, CASSEBOHMIUM atque MORGAGNUM volo. Summe volatilis naturæ liquidum, spiritibus animalibus factum in canalibus semicircularibus & cochlea se invenisse, refert VIEUSSENSIUS *d)*. Labyrinthi contentis humorem accenset CASSEBOHMUS *e)*. Tertius, cujus im-

b) Quoties exactum DU VERNEYI tractatum, quî prodiit Parisiis sub titulo: *Traité de l'organe de l'ouïe* Ao. 1683. relego; toties miror; humorem labyrinthi ne verbulo quidem ab ipso tangi; præsertim cum apud SCHELLHAMMERUM, non clarum cæterum inciforem, ipsius vestigia reperiantur in *Traçt. de Auditu*, Lugd. Bat. 1684. p. 134. Num & Ille labyrinthum in maceratis modo ossibus perquisiverit? Parum certe cum natura convenit nervi mollis ramorum in labyrintho distributio, quam explicat l. c. a p. 44. ad 49. suspicionem auget [fig. 10. tab. X. quæ certe non æque vera ac nitida est.

c) Vid. Anton. Mar. VALSALVÆ *Opera* a MORGAGNIO edita, Venetiis 1740. Tom. I. *Traçt. de Aure* Cap. III. p. 51. No. XVII. „Scire juvat, labyrinthum humore quodam, eoque copioso, intus madefactum reperiri, unde contentæ membranæ humescunt, de quo nulli fecere mentionem. Humor hic in recenti aure observatur &c. ”

d) Vid. *Traité nouveau de la structure de l'Oreille*, par RAYMOND VIEUSSENS, Toulouse 1714. p. 71. in cochlea p. 76.

e) Vid. EJUS *tractat. quintum de Aure humana*, Halæ Magdeb. 1735. p. 20. §. 221. sub tit. *Humor auris internæ*. Præcipue

mortale opus longe supra laudes meas positum est, semper labyrinthum humore reperit madidum, ejusque non tantam esse volatilitatem, ac a VIEUSSENSIO fuerat dictum, ex eo probat, quod tota hora exacta nondum prorsus neque e canalibus semicircularibus neque e cochlea hic excefferit *f*). Hisce quidem summorum virorum testimoniis effecta erat humidi in intimis aurium recessibus existentia; nil tamen certi adhuc de ipsius copia constabat; nec alius ipsi usus, quam nervorum in labyrintho humectatio tribuebatur *g*).

§. II.

Ulteriora humoris fata.

Plane alia rerum facies erat post MORGAGNUM; eademque pars, quæ per longissimum tempus plane latuerat, cuiusque dignitas vix cognoscebatur; inter essentielles in labyrintho partes nunc locum tenet. Tantam enim humoris copiam esse, ut integrum labyrinthi cavum repleat, ita ut nulla ipsius pars in naturali statu eo vacua sit; ipsumque humorem leniter undantem nervos concutere; in præclaro antedicto opere proposuit ac uberrime demonstravit Ill. COTUNNI *h*). Quem vero latet, nervorum in labyrintho con-

A 2

omnino labyrinthi humorem spectat locus; licet quoque de eo, qui in tympano reperitur, agatur.

f) JO. BAPTIST. MORGAGNI *Epist. Operibus VALSALVÆ* ante cit. annex. XII. p. 469. „Extremis Maji diebus, tempestate jam calida, siccoque aëre, duos optime se habentes labyrinthos cum aperuisssem, ex neutro, tota jam exacta hora, omnis prorsus humor

excefferat.” Nos mense Januario totum quantum labyrinthum, post duos dies æque plenum aqua vidimus, ac erat prima hora.

g) Vid. præter citat. Auctores CHRIST. LUDOVIC. HOFFMANN *Diff. de Auditu*, Jenæ 1746. p. 38. §. 84.

h) *Diff. cit.* §. XXIX. XXXII. & a p. 67. ad 174. edit. Vienn.

tactu auditum ipsum absolvi? De novorum Ill. VIRI assertorum veritate convictus, Anatomicorum ac Physiologorum facile princeps, HALLERUS aquulam, internum sonorum medium adhibuit *i*). Insignis Viri vestigia presso pede secutus est Cl. MARHERR *k*). Mox post hunc Ill. CALDANI *l*), rerum abstrusarum felicissimus interpret, testimonium suum de aquulae existentia, qualis a COTUNNO fuerat proposita, publici juris fecit. Laconico valde stylo subscribit cunctis magni ALBINI in cathedra successor ac frater *m*). Idem reperitur in recentissimo quodam opere anatomici argumenti, in quo novorum in anatome inventorum nullum, meo saltem iudicio, deest *n*).

§. III.

Nostrorum laborum ratio.

Quod me tangit, est praecipue Ill. COTUNNI inventorum ulterior confirmatio, quam eo minus superfluum reputo, cum apud praedictos Auctores propriae observationes, si

i) In *Elem. Phys.* T. V. Lauf. 1769. p. 229. in vestibulo p. 231. in canalibus semicircularibus humorem reperiri, p. 238. in cochlea, p. 289. ita: „Est in vestibulo aquula, ab hac impulsula pulpa nervea contremiscit.” A p. 288. ad 290. habetur omnis theoria, p. 295. stapedem aquulam in tremores conjicere.

k) Vid. *Prælectiones ad HERRM. BOERHAAV. Institut. med.* Viennæ & Lips. 1772. Tom. III. a p. 299 — 302.

l) In *Institut. physiologicis*,

Patavii 1773. p. 238 no. 272. se COTUNNI vestigiis insistentem aquam semper vidisse, qua repletur labyrinthus.

m) Vid. FRID. BERN. ALBINI *de Natura hominis libellus*, Lugd. Batav. 1775. p. 170. no. 1051. & p. 172. no. 1057. „Officulorum ope tremor transit in fluidum labyrinthi agitatque expansiones nerveas.”

n) LEBER *Vorlesungen über die Zergliederungs-Kunst*, Wien 1776 p. 495. & 496.

novissimas Ill. CALDANI excipias, nullæ reperiantur; nec stent, qui illud inventum assumunt, eadem semper sententia, si nonnulla consideras, quæ ad rei illustrationem pertinent; cumque præterea ad eam incitaverit me nunquam sufficienti veneratione colendus Præceptor, Ill. LOBSTEINIUS, cujus singulari benevolentia quoque obtinui, ut nullum cadaverum, quæ hicce locorum copiose habentur, per duas hyemes terræ mandaretur, quin ipsius labyrinthum perquisiverim. Rara occasione, benevole concessa, usus sum, frequenterque instituta pericula circa reperiundam aquulam, me docuerunt, quomodo optime ad id procedatur. Hanc ergo methodum ante omnia indicabo, & talem quidem, qua simul probetur: Verum esse novum paradoxon: *Aquila nempe ex omni parte repletissimum esse labyrinthum.* Dein plurimum in exhibendis argumentis pro eadem veritate explicanda, versatus sum. Per vivorum animalium sectiones ad liquidum perducere nitor: æque in his, ac in mortuis, rem se habere; non parum rei dilucidationem ad stabilendum auditus mechanismum effecturam, persuasus. Quale pretium hisce laboribustribuendum sit, benevoli Lectoris iudicio relinquo.

§. IV.

Quomodo pro disquirendis labyrinthi contentis a recenti cranio os separandum sit.

Propter insuperabiles difficultates, quas quisque facile perspicit, cum fieri nequeat, ut labyrinthi recentis contenta lustrari valeamus, quamdiu cohæret cum reliquis cranii ossibus hocce cavum; cumque æque difficile sit, unicum temporum os a nexu cum contiguis ipsi in recenti cranio solvere; necessario requiritur alius votum hocce implendi



modus. Separanda nempe est lateralis cranii pars, in qua auditus organon continetur, & ita quidem, ut nulla sui parte hoc organon lædatur. Sequenti procedendi modo semper sum usus: discriminato, ferræ ope, cranio, ac exempto encephalo, temporis osse a carnibus denudato, ex articulatione solvitur maxilla inferior utroque in latere, totaque separatur; duæ tunc ferræ ope instituendæ sectiones reliquum absolvunt; harum altera, anterior per squammosum os ac foveolam articulationi maxillæ inferioris dicatam ad sinum usque cavernosum, posterior vero retro mammillarem ossis temporum partem, ad foramen magnum ossis occipitis instituitur; utroque cranii in latere cum ita processeris, habebis disquirendas partes a reliquis separatas, mediante sphenoidis corpore & ossis occipitis processu basilari cohærentes, per utriusque medium ferra facile sejungendas. Unica cautela sub hac operatione exigitur: Duram matrem nimirum supra dicta, per quæ antice & postice ferra ducitur loca cultello findere, ne hæc ferræ, sectione lacerata, distrahatur a superficie ossis temporum interna.

§. V.

Cum separata sic parte, in qua totum auditus organon continetur, quid agendum sit, ut ad labyrinthum via pateat.

In separata dicto modo parte contentæ, præter meatum auditorium osseum, tympani cavitatis anterior portio auferri, remanere vero debet integer labyrinthus, ab omni parte bene clausus. Succedit quidem hæc operatio illi, qui in disquisitione harum partium exercitatus est, uno ferræ ictu, varia tamen, eaque essentialia, majorem curam requirunt --- In situ enim conservari debet stapedis ossiculum, cujus ba-



seos minimus a fenestra ovali recessus omnes labores pro reperiundis, quæ in labyrintho continentur, inutiles redderet. — Perioſtii quoque, poſtერიემ tympani parietem obducentis, veſtis ad inſtar o) ſtapedem involventis, quantum fieri poteſt, læſio cavenda. — Præcipui momenti denique res eſt, ne membrana fenestram rotundam claudens, rumpatur, proſpicere — Quæ omnia cum una ſerræ ſeſtione, per tympani cavitatem inſtituta, tuto non impetrentur; præſtat paulo lentius, quam præpropere nimis operari. Ita vero: retracta ab anteriori petræ ſuperficie ad ſulcum uſque petroſum ſuperiorem dura matre, apparens ſub ipſa tenuis laminula oſſea p), tubæ Euſtachianæ oſſeæ parti & canali, cui inhæret tympani tenſor, continua, aduſque ſquammoſam oſſis temporum partem aufertur q). Hac, cum tympani ſuperiorem parietem conſtituat, ablata, in ipſum hocce cavum introſpicere datur, deprehendunturque ſimul oſſicula, e ſitu nequaquam remota, cunctaque perioſtio optime induta habentur. Quodſi, ut accidit, non ita tenuis eſſet anterioris petræ ſuperfici laminula, ut facile poſſit reſecari; a meatu auditorio inde ad tympani cavum via paranda eſt; idque facile ſuccedit, dum hujus meatus inferior portio ad tympani membranam uſque aufertur, ipſumque tympanum ab inferiori parte aperitur; quocunque horum fiat modo, nec oſſicula e ſede moventur, nec perioſtii tympani eſſentialis pars læditur, nec fenestræ rotundæ membrana alteratur. — Superfluum pro re noſtra in tympani capſa reſidentium oſſiculo-

o) MORGAGNI *Epist. ſ. c. VI.* pag. 163. „Ex proximis tympani parietibus ſe ſuper ſtapedem injicere membranam vidi, ut ejus & crura & foramen, quaſi circumjecta veſtis, undique comprehendere.”

p) In macerato probe oſſe pellucida fere ſemper eſt tota petræ

anterior interior ſuperficies. Imo ita tenuis ſæpe ipſius ſubſtantia, ut variis locis tota perforata reperiatur.

q) Sæpiſſime cultello anatomico integram reſcindo, vel ſaltem niſi ſubtiles in cuneum ferreum mallei iſtus pro removenda requiruntur.

rum, malleus primus, dissectis ipsius carnibus ac ligamentis; solutoque a tympani membrana manubrio, caute extrahitur; incus vero, vel dissecto forcicis ope crure longo, vel discissa, quæ inter crus hocce & ossiculum lenticulare intercedit capsa, æque removetur — Nunc demum, firmiter in retinaculo r) detento osse, ante stapedem per mediam tympani cavitatem tuto agitur ferra, totaque anterior & inferior ejus portio refecatur; quo facto, obtinuisti, quod cupis: Separasti tympanum, servasti ab omni parte clausum labyrinthum, ad cujus contenta lustranda, nunc patentissimus tibi aditus conceditur.

§. VI.

Optima aquule labyrinthum opplentis investigatio.

Inter hæc vero primus occurrit labyrinthi humor. Visus is quidem fuit a VALSALVA, VIEUSSENSIO atque MORGAGNO absque ullis ambagibus; quod iis autem fortuito potius, quam consulto accidisse videtur; nec mirum, si de aquula sollicitè disquirenda non multum fuerint occupati, cum ipsius dignitatem non agnoverint; qua hodie perspecta, nostra plurimum omnino interest, quomodo omnis, a qua nil deperditum sit, appareat, intelligere. — En: Stapedis ossiculum, quod integrum cum reliquis tympani partibus intuenti se offert in osse (§. ant.) dicto modo parato, facile vossella prehendi, refectoque ipsius musculi tendine, a fenestra ovali retrahi posset, ut subtus contenta aquula in conspectum prodeat. Ast duo incommoda hunc, quem Ill. COTUNNI proponit, modum s) comitantur; primo: per angustam

r) *Schraubstock*, instrumentum, quo utuntur aurifabri alique

operarii pro firmandis eis, quæ lima aggredi intendunt.

s) *Diff. cit. §. XXIX.*



gustam fenestram ovalem non nisi difficulter in vestibulum introspici potest; difficilius itaque in eo contenta rimaremur. Secundo: Nec hac ratione veram aquulæ copiam æstimare possumus, cum præter eam, quæ proxime retro stapedis basin in anteriori vestibuli cavitate locata est, nulla oculos ferire queat; melius itaque sequenti ratione proceditur: dicto modo (§. antec.) paratum os retinaculo ita committitur ac firmiter intra ipsum detinetur, ut illæ ipsius partes, quæ in situ naturali anteriora occupant, jam superiora; posteriora vero inferiora nunc evadant; sic enim commode ad stapedem & cochleam, cujus initium indicat promontorium, acceditur; firmato hac ratione osse, ferrula subtili, non quidem uno ictu *t*): aufertur canalis caroticus, cochleæ vicinus, quæ retro hunc apparet eminentia ossea, a cochlea ipsa est, hæc vel cultelli anatomici vel cunei ferrei, in quem levissimi mallei ictus impinguntur, ope, eoque attenuatur, ut transluceat aquula; cautissime denique nudandus est cochleæ apex, ipsique minimum, quod potest, infligendum vulnusculum. — Statim prorumpens extus cernitur limpidissima aquula, unde mox humida redduntur circumcirca loca. Pro lubitu potest ex facta apertura protrudi aquula, si vossella leniter prendis stapedis capitulum ac imitaris illum motum, quem pro natura sua in aquulam exierit hoc ossiculum, posteriorem nempe ipsius extremitatem vicissim in vestibulum deprimendo ac rursus extrahendo *x*). Evidentius plerumque per factum ostiolum prorumpit liquor, si, ut suadet Ill.

B

t) Sic CALDANI in anted. libro p. 238. in nota suadet. Ipsum sequens, cum sæpissime fenestræ rotundæ membranulæ crepaturam expertus sim, simulque effluerit omnis labyrinthi aquula in tympani cavitatem; omnes omnino

ictus exulare mallem, cum æque facilis remotu ferræ ope sit canalis caroticus.

x) Imitamur sic vossellæ ope motum, quem in vivo homine stapedius musculus efficit.

CALDANI, specillo tangis fenestræ rotundæ membranulam. — Eodem ossis situ servato, possunt quoque anteriores canalium semicircularium, perpendicularis superioris & horizontalis fines aperiri, & per eos, dicto stapedis motu, aquula propelli; canales enim sit toti humore farti se produnt.

§. VII.

Hæcenus dicta facilius in fetus, quam adultæ ossibus instituuntur.

Vix opus esset, non tamen inutile fore duco, mone-
re, longe facilius in fetuum, quam adultorum ossibus aquu-
læ hanc disquisitionem institui. Addo rationes: Ossis
temporum, ab iis, cum quibus in cranio cohæret ossibus,
separatio facillime succedit, cum, quæ ea intercedunt inter-
stitia, non nisi cartilagine repleta sint. Os ipsum a cranio
separatum ita molle est, ut cuncta, quæ in adulto vi aufe-
runtur, in fetu cultello rescindi queant. In tympani ca-
vitate aditus patet, quam primum rescissus fuit meatus au-
ditorius cartilagineus ac soluta ex annulo suo tympani mem-
brana; eodem denique momento incidis in auditus ossi-
cula, quæ e nexu cum reliquis partibus soluta, absque dif-
ficultate extrahuntur; his peractis, tuto anteriorem tym-
pani partem cultello rescakas, habesque os disquisitioni aptis-
simum. Pro auferendo canali carotico, ac nudando coch-
leæ apice, non alio pariter instrumento, ac antea, opus est;
mediante quo cum triplicem circa cochleæ cavum substan-
tiam abraferis, presserisque stapedem, vel specillo tetigeris
fenestræ rotundæ membranulam; effectum eundem depre-
hendes, qui in adulto fuit indicatus, imo longe spectabilio-
rem, quia prorumpens ex facto ostiolo aquula, non limpida,

ut in adulto, sed rubella est y). Color hicce, quem jam observavit VALSALVA z) efficit præterea, ut per omnem canalem semicircularem perpendicularem superiorem & posterioris partem, qua cum antedicto in communem coit, pellucens se manifestet humor, si modo ab interioribus petrae superficiebus retracta fuerit dura menynx.

§. VIII.

Experimenta, per quæ, totum labyrinthum aqua repletissimum esse, efficitur.

Sex adulti hominis a cranii laterali parte separata ossa, (§. IV.) mense Januario, frigidissimo vigente gelu, libero aëri exposui, eadem ibi reliqui, usque dum durissimæ congelatæque fuerint adhærentes ipsis carnes; subtili tunc ferra medium dissecui vestibulum, lente laminam agitando, ne a fortiori motu & frictione calor excitari potuerit. Glacie repleta apparuit divisi vestibuli tam interior, quam exterior pars; quæ exemta, cavi, e quo extrahebatur, figuram exacte retulit; quinque canalium semicircularium ora una cum cochleæ in vestibulum hiantæ ostio, glacie perfecte obturata erant; in aliis quinque ossibus dissecui diversimode mox canales semicirculares, mox aliam labyrinthi partem. Inter cætera pulcherrimum spectaculum offerebatur dissecanti mihi cochleam per mediam sui partem ita, ut modiolus per longitudinem fuerit fissus; omne enim supra & infra septum cochleæ cavum a fenestra rotunda inde ad apicem usque,

B 2

y) Convenit hac nota cum aqueo oculi humore, quem pariter rubellum in fetu vidit Ill. HALLERUS *Elem. Phys.* T. V. p. 410.

z) l. c. No. XVII. „In fetu sanguinea tinctura rubescit labyrinthi humor.”



glacie erat repletissimum. Ex nota aquæ in glaciem a frigore mutatione, vix erit dubitandi locus, merito sub aquulæ nomine venire labyrinthi humorem. Glacies, omnis labyrinthi cavæ figuram exactissime referens, illam antea aqua æque repletam fuisse, luculenter testatur.

§. IX.

Ex anatome comparata probatur idem.

VITULUS, OVIS, SUS.

Dictis circa aures humanas experimentis ex Anatome comparata addo alia; animalium enim inspectiones plus sæpe quam hominum sectiones ad rem quandam confirmandam facere; jam ex eo palam fit, quod bruta possint statim post mortem, tota calida, incidi, quam rem in hominibus vetant, ubique & merito constitutæ leges. Prima quæ incidi animalium capita, erant, vitulinum, ovinum & suillum, ideo præferenda, quoniam frequentissime & integra a laniatoribus haberi possunt. Rescissa auricula externa cum validis suis musculis, exemptoque cerebro, meatus auditorii inferiorem partem abstuli, ut hac via ad tympani membranam pervenirem; hac, vastiori quam in homine, expansione insigni, per omnem ambitum soluta, sub auditus ossiculis, ferra tympanum inferne aperui *a*); exemi malleum & incudem; accedentem ad quadrilaterum stapedem *b*) cum elliptico lenticulari osse *c*), supra

a) Sectionem hanc prima vice in vitulo instituens; elegantissimam, septulis variis egregie ordinatis distinctam, non potui satis mirari tympani cavitatem. Huic spectaculo VESALII de auditu theoria musica deberi videtur.

b) Sat bene depicta prostant trium animalium ossicula in *Jul.*

CASSERII, Placentini, *de Auris auditusque hist. anat.* Tract. III. Ferrariæ 1601. fol. p. 69. Tab. XI.

c) Ossiculum quartum in omnibus, quæ hucdum secui animalibus, semper ad formam ellipticam accedens vidi. Ab humano differentia evidenter patet in vitulino.



fenestram ovalem reliqui; residuam ante cochleam canalis carotici partem separavi, teneramque substantiam osseam, quæ in vitulo circa cochleam copiose fusa est *d*), lima facile in albißimum pulverem redigendam, abradi, tunc eadem ac in homine nota facile distinguendum cochleæ *e*) vitreum apicem, qui in bestiis inferiora respicit, cultello pertudi cautissime; quo facto, impetu quodam prorupit limpidissima aquula; pressoque paululum stapede, cujus non nisi summus apex propter profundam fenestræ ovalis pelvim, intra tympani cavitatem eminet, quoties volui, per infictum cochleæ vulnusculum aquulam prodire feci. Eodem in situ firmiter detento osse, angustissimorum canalium semicircularium *f*) anteriores partes aperui, pariterque in his ut in homine, facile agitabilis erat aquula. Quater in vitulo & ove repetiti experimenti idem fuit successus. Ter difficilem in suis capite, propter longissimum & angustissimum meatum auditorium, partes tympani summe fragiles ac longe minores, quam in prædictis animalibus, operationem molitus sum, qua optime semper cedente, veritatem, quam quærebam, & in hocce animali probatam habeo *g*).

B 3

d) Ita in vitulo, cujus organi auditus structura magis ad humanam accedit; in ove & sue tota cochlea ad apicem usque intra tympani cavitatem locatur, eaque aperta tota fere nuda conspicitur.

e) Speciosior longe in animalibus ac in homine est artificiosissima machinula; quatuor quoque ipsius circuitus sunt, ut docet Fig. nostra XIII, litt. g. quæ vituli labyrinthum offert, ab antica parte apertum.

f) Quadrupedibus angustissimi

canales semicirculares sunt. Vid. nostræ Tab. fig. XII. & XIII. quæ vituli canales, XIV. & XV. quæ canales fetus felini offerunt.

g) Specillum argenteum a laterali cranii parte initio meatus auditorii ossei immissum, ad tympani membranam usque intrusum, adeo profunde descendit ut, mensura facta, viderim: suis ter saltem eo hominis longiorem esse. Eadem angustiae ratio est. Suis cranium postica in parte, octo lineas crassum erat.

§. X.

Continuatio prioris.

FELIS.

Ab iis animalibus, quæ a laniatoribus habentur, ad domestica *h)* me verti; inque duorum juniorum felium capita, altero post partum die necatorum, inquisivi. Separato tympani membranæ annulo *i)*, malleum, cujus manubrium totum cartilagineum erat, parvamque incudem cum cartila-

h) Præter felis & canis auditus organa, ex ferarum ordine exactiori examine rimatus sum illud talpæ, & quidem ad ductum descriptionis a DERHAMO exhibitæ in *Physico-theologia*, Hamburg 1741. p. 228. ad 231. nota 4. Nulla est talpæ *auricula*, sed foramen modo rotundum, pilis obseffum in laterali posteriori cranii parte; ab hoc inde procedit tubiformis *meatus auditorius*, e variis cartilagineis frustis, per tenacem cellulofam junctis, compositus, quatuor lineas longus. Hujus angustissimus interior finis alligatur foramini osseo $\frac{3}{4}$ lineæ diametri, quod statim versus tympani membranæ ambitum se dilatat. Ipsa *tympani membrana* in inferiori cranii parte locata est, ita tamen, ut exterior ipsius vertex superior, interior inferior sit. *Malleo* duo sunt processus æqualis fere longitudinis, manubrium, tympani membranæ annexum & alter tympani parieti, per ligamentulum junctus; hi duo in corpus latum

concurrunt, unde in angustum valde collum coarctatur, cui pulchre sphæricum ex una parte, ex altera, pro recipiendo incude excavatum capitulum appositum. *Incus* spathiformis a DERHAMO egregie describitur, qui tamen omisit conicam spinam a corpore prominentem & *quartum ossiculum*, minimum omnino, ipsius fini impositum. Nec *stapedem* integrum vidit auctor noster, qui illum cum furca comparat; est enim certe ipsi basis, tenera valde, longa, parum lata; nec, ut ille ait, ab hoc ossiculo obturatur *utraq; fenestra* labyrinthi; *rotundam* enim propriâ membranula claudit, *ovalem* stapedis basis. Exilissimi canales semicirculares & cochlea intus humido erant madida.

i) Eo præcipue ab illo fetus humani differt, quod magis ad ovalem figuram accedat. Vid. Fig. I. II. III. litt. a & profundiori sulco pro membranæ suæ adhæsione notetur.



gineo officulo Sylviano exemi, stapedeque relicto, cochleam propter elegantiam lædere nolens, ipsius fenestræ membranulæ tenellum foraminulum infixi, ac promanantem e cochlea rubicundi (ut in fetu humano) liquoris copiam conspexi; antequam vero dictum vulnusculum feci, membranulam fenestræ rotundæ prætensam, quovis stapedis motu sese attolentem rimatus sum. Movebatur quoque aquula in apertis exiguis canalibus semicircularibus. Cum plura dein horum animalculorum capita inspiciendi occasionem nactus fuero, cochleæ apicem antedicto sæpe modo aperui, nec unquam defuit optatus periculo eventus.

CANIS.

Junioris canis capitis laterali parte pro investigandis auditus instrumentis, pelle nudata, perfecto nondum meatu auditorio osseo, prominentem extus rotundi tuberis ad instar, tympani cavitatem ab inferiori inde parte aperui; hoc facto, cum unica cella totum cavum constituat *k*), non difficilis labor erat, in ea contentas partes rimari atque discernere; imo cochleæ apex ita nudus se obtulit, ut non nisi scalpelli intrusionem pro eo aperiendo opus esset. Jam pressu in membranam fenestræ rotundæ aquulam proliciens, didici, multo melius hunc procedendi modum quam stapedis motum pro ostendenda aquula aliquando adhiberi; longe major enim quavis vice, eo adhibito, prorupit aquulæ portio.

LEPUS.

Glirium ordinem examini subjecturus, octo leporum

k) Is plerumque tympani cavitatis animalium habitus est, ut bulla quædam ex fragili tenui substantia sit, in quam meatus auditorius extrorsum, introrsum vero

tuba Eustachiana terminatur. Ita in ove, cane, fele, lepore ac cervo; in vitulo & sue adhucdum unice cavernosam, ut supra dictum fuit, reperi.



recentia capita perlustravi. Horum meatu auditorio brevi, cylindrico, fragilique aperto, remotaque peculiari vesicula *l*), rubicundo liquore referta, in qua auditus minima *m*) ossicula latent; quem æque ac in cane nudum in tympani cella offendebam cochleæ apicem pertudi, pressoque stapede, solitum experimentum institui. Id modo hic observo, non adeo evidenter in adultis parvisque animalibus prorumpere aquulam; nec mirum, cum, quo minora sunt, eo minor stapedis motus necessarius sit, hinc nec adeo profunde post mortem in vestibulum agi potest stapes, cujus ingressui in id cavum, semper par est aquulæ proliciendæ copia. Difficulter quoque specillo tangitur in hoc animali fenestræ rotundæ membranula, propter prominentem admodum hujus fenestræ limbum.

CERVUS.

Ex quatuor cervi recentibus ossibus cum didicerim, experimentum eodem hic ac in hucusque dictis animalibus successu institui; asserere non dubito, pecorum ordinem *n*)
rem

l) Cernitur oblonga vesicula, quam primum, remoto inferiori pariete, ad superiorem meatus auditorii ossi partem diriguntur oculi, obtuso fine versus meatus cavum prominens. Rubellus intra ipsam liquor spissiusculus effluit, quam primum illa leniter modo vulneratur. Esse tympani membranæ superiori parti continuam ac tenendis auditus ossiculis destinatam, nunc certo scio, cum sæpius in eam inquisiverim.

m) Auditus ossicula minima & summe fragilia sunt, mallei ma-

nubrium latiusculum est, summe tenerum, incudis admodum parvæ rotundum corpus est, duobus distinctissimis cruribus præditum; ossiculum lenticulare ellipticum; stapedis vero ossiculum nitidissimum. Rudi figura depingit ea CASSERIUS l. f. c.

n) Huc pertinent ovis, de quo supra, & capra, cujus auditus organon, rei nostræ ergo bis perquisivi & tale reperi, ut rem confirmaret. Est & huic animali unica tantum tympani cella.

rem nostram æque ac alios loqui. Quadrupedum ergo sectiones inter argumenta, per quæ confirmatur, *Integrum labyrinthum aquula repletissimum* esse, merito referri, unusquisque mecum persuasum habebit; præsertim cum sub quavis operatione talem semper offi conciliaverimus situm *), ut pro gravitate sua specifica recessisset certe a loco, qui in suprema nunc cavi parte aperitur, inferiora versus humor; si esset in labyrintho ullus eo destitutus locus.

§. XI.

In avibus plane idem observatur.

Avium auditus organi structuram, qui leviter modo perspexit, is non difficulter de aquulæ in hisce animalibus existentia certiore se reddet. Nulla enim animalium dantur, in quibus ea evidentior est; licet omnino propter deficientem in ipsis cochleam o) non possit eadem methodo disquisitio institui, ac quæ in homine & in brutis hactenus fuit recensita. En experimenta, quomodo a me fuere in anate, anser, gallina satis frequenter capta & repetita, in meleagridæ gallo-pavone ter, in ardea gryfea & ote tarda autem semel: detracta ab integro capite pelle pennis obfessa, relictaque ipsius ea tantum portione, quæ circa foramen auditorium externum apud quasdam rigidis fetis obsidetur in

C

*) Vid. supra p. 13. ubi hic situs exponitur

o) Deest omnino avibus pulcherrima hæc auditus organi pars; eam supplere canales semicirculares in gyrum ductos; refert Ill. HALLE-
RUS ex *Phil. Transactions.* vid. Tom. V. *Elem. phys.* p. 233. In

omnibus avium, iisque non paucis, labyrinthis, quos elaboratos asservo, a vestibuli interiori & inferiori parte cœcum processum descendere video, huic cavitati continuum, qui cochleæ vicibus fungi mihi videtur.



aliis plane nuda *p*) ipsum foramen attenuata subit *q*); ferula per medium ita dissecui caput, ut exacte uno in latere easdem habuerim, ac in altero partes *r*). Commode disquirendum os a foramine auditorio externo inde aggressus sum, vixque ab exteriori hujus foraminis ambitu quasdam lineas distantem tympani membranam *s*) ab adhæsione liberavi usque ad processum auditus officuli cartilagineum, mallei hominis & quadrupedum manubrium referentem *t*); sic tympani cavum apertum, clausum vero ab omni parte labyrinthum habebam, quippe cui & in avibus nullum certe cum tympano, in recenti osse, commercium est *u*); ut vero locum haberem, per quem aquam mediante officulo

p) Caret iis gallo-pavo & tarda; neque anati sunt; gallinæ vero summe rigidæ.

q) Æque ac in homine attenuatam cutem externam tympani membranæ exteriori laminam constituere, brevi maceratione didicimus.

r) Loca ea, per quæ ducitur ferra, contemplaturo confirmabitur alterius tympani cellularum cum illis oppositi lateris commercium, quod nulli alii animalium est. Certiores nos reddidit de hac communicatione sinistrae cavitati infusus, retro dextri lateris tympani membranam mox apparens mercurius. Ope tincturæ ex coccionella idem accidisse, refert ALLEN. MOULEN Vid. *the philosophical transactions and collections abridged*, Vol. II. London 1749. p. 864. no. 4. Inde avibus unica tuba Eustachiana est, medio inter cavitates loco subintrans tympanum.

s) Curiosum omnino, nec, uti

credo, jam observatum: tympani avium membranam extrorsum, versus meatus auditorii cavum nimirum, prominere, dum, quæ tympanum respicit, superficies, concava est.

t) Pro peculiari parte habet hunc processum DERHAM in *Physico-theologia*, Hamburg. 1741. pag. 878. & 879. in nota. Ejus continuitatem cum reliqua auditus officuli cartilaginea parte meæ me observationes docuere. A posteriori tympani membranæ extremo versus hujus centrum procedit, ipsamque membranam extrorsum urget.

u) Obturari perfecte ab auditus officuli lamella plana, quæ stapedis humani & brutorum basin refert, fenestram vestibuli ad tympanum, docuit nos mercurius. Infusi hujus tympani cavitati, relicto officulo ne globulus quidem labyrinthum subit, remoto vero, confestim intra id cavum omnis se subduxit.



extus urgere possem; detraxi ab interiori cranii superficie duram matrem, ut canalem semicircularem superiorem eo melius cernere valerem α); viso hoc, tenerrimam exinde abstuli, subtili cultello, particulam; vossella denique prehen- sum ossiculum γ) versus vestibuli cavum leniter adeg, vicis- simque eduxi, vidique notabilem in aperto canali humoris motum; quoties enim pressi ossiculum vestibulum versus, toties e facta apertura prodibat aquula; quoties autem illud educebam, toties retrocedentem humorem observavi. Re- liqui canales β), lateraliter aperti, idem monstrarunt. Fre- quenter, remoto a foramine suo ossiculo, vestibulum aqua repletissimum vidi.

§. XII.

Experimentum, quo ostenditur, nullum aërem labyrintho inesse.

Sufficerent quidem, quæ hucusque protuli, in homi-

α) Pluribus notis in cranii inter- na posteriori laterali parte manife- stat se maximus hicce canalis; præsertim vero in recenti osse ru- bro quodam vase, quod omni ipsius convexitati appositum est, ac pro- fundo sulco recipitur.

γ) Avibus omnino unicum tan- tum auditus ossiculum est, ita ef- formatum, ut quatuor hominum & quadrupedum ossiculorum mu- nere fungi queat. Ab exteriori enim parte, qua tympani mem- branam adhærentem habet, car- tilagineum est, ab hac inde, summe elastica, horizontali dire- ctione per tympani posteriorem ac superiorem partem procedit colu- mella ossea, tenerrima; hæc de-

num in lamellulam planam termi- natur, laxè intra fenestræ vestibuli ambitum ligatam. Undæ ergo so- noræ tympani membranam alliden- tes cartilagineam partem feriunt, per columellam ad laminulam, re- tro quam immediate aquula est, deferuntur. Qui pulcherrimum in- strumentulum nosse cupit, deline- atum illud reperiet in CASSERII *Tabula sæpe citata*.

β) Tres sunt avibus canales se- micirculares; duo perpendiculares, tertius horizontalis. Circa hos & totum avium labyrinthum plurimas observationes, easque, ut credo, minus notas collegi, quas hicce omittere cogor, eas alia forsan occa- sione cum publico communicaturus.

nibus & animalibus non semel instituta pericula ad evincendam una cum aquulæ existentia, omnis alius substantiæ absentiam; nondum tamen ita nostris temporibus e labyrintho proscriptus est aer; ut superfluum fore experimentum, quo ejus absentia apertissime declaretur, vix putem: Methodo eadem, quam supra suasi (§. V.), ad investigandam aquulam utens, dissecai adulti hominis os, ut labyrinthum ab omni parte clausum, solum habuerim, cum stapede supra fenestram ovalem relicto; cochleæ vero eminentiam retro canalem caroticum (ut §. VI. dictum fuit) attenuavi; petræ adhærentem labyrinthum, sic constitutum, aquæ in vase profundo contentæ submersi, ipsum os in aqua agitavi, ut certus essem, nullum ulterius aërem, neque in cellulis mastoideis, neque sub-membranis latere posse, quippe qui dictis e locis magnis bullis per aquam adscendit; merso sub aqua cochleæ apici cultellum infixi, ut aperto aliqua ex parte labyrintho, quid extra ipsum exeat, se manifestare possit; nulla aquæ supra labyrinthi nunc aperti locum existenti mutatio accidit; ut autem id, quod labyrintho insit, propellerem extus, stapedem sub aqua pariter detentum agitavi; ast ne sic quidem ulla ex aperto labyrintho bullula adscendit. Num aer, labyrintho forte inhærens, hac ratione occultus manere potuisset? Quum inter omnes constet, aërem, ut primum vinculis liberatum, pro elasticitate ac levitate, qua gaudet, aquæ superiora petere, & hic necessario tale quid accidere debuisset; saltem id, stapede moto, jure expectasses.

§. XIII.

Aliud argumentum pro refutando in labyrintho aëre.

Perfecte clausus est labyrinthus, ut ne minimum quidem spatium detur, per quod in ipsum pervenire possit



aër. En experimentum! Vestibulum adulti recens a parte superiori, quæ plurium linearum crassa substantia durissimaque obtegatur, aperui; factæ aperturæ tantum mercurii immisi, ut maxima ex parte labyrinthus eo fuerit repletus; digito indice grave fluidum pressi, & quidem immediate supra stapedis basin; nullus tamen fugacissimi liquidi, ne minimus quidem globulus in tympani cavum delapsus est. Qui rem mecum rimatur, mercuriique tenuissima ostia subeundi qualitatem non ignorat, non poterit quin concedat: omnem communicationem inter tympani cavum & labyrinthum prorsus interceptum esse *a*). Corruunt itaque omnes opiniones de aëre tympani per rimam inter basin stapedis & fenestræ ovalis marginem *b*), per poros baseos hujus ossiculi *c*) & fenestram rotundam *d*)

a) Duas tantum dari vias a tympano in labyrinthum, notissima res est; hæ in macerato quidem siccoque ossæ apertæ sunt, clausas vero in recenti esse, præter nostrum experimentum, sequentia testimonia evincunt. Ac primo de fenestra ovali. Nostro experimento analogum instituere MORGAGNI & VALSALVA. Per factam in superiori vestibuli parte aperturam, specillo stapedis basin urserunt: spatium inter fenestræ ovalis & stapedis baseos oras, membranula claudi viderunt. MORGAGNI *Epist. f. c. VI. p. 163. no. 41.* Pertinent huc ligamenta circulare & triangulare inter dictas partes, de quibus vide COTUNNI *Diff. cit. §. XXXV. & XXXVI.*

Altero loco de fenestra rotunda: hanc obturanti membranæ dictum sulcum describit primus DUVERNEY *Tract. cit. p. 19. & 20.*

confirmarunt post eum omnes, qui de auditus organo scripserunt, CASSEBOHMIUS, MORGAGNI in *libr. cit. &c.* Idem natura ipsa, facile hic consulenda, loquitur.

b) Antiquissima theoria, quæ per dicta fat superque refutatur.

c) COITERI & VESLINGII opinio erat: trans stapedis baseos poros deferri sonum ad nervum auditorium. De hisce poris ita MORGAGNI in *Epist. f. c. VI p. 160.* „Instructis aliquo crystalli adjumento oculis, contemplanti adversus præclarissimam lucem stapedis basin, in ipsa interdum quædam foraminulorum indicia, interdum ne hæc quidem, nunquam pervia ac prorsus aperta foramina se obtulerunt, ut affirmat MANFREDIUS.”

d) SCHELLHAMMER *Tract. de Auditu p. 234. no. XII.* fenestram ovalem nunquam patere, contra



labyrinthum fubeunte; ruunt simul omnes hypotheses de aëre implantato *e*) (qui præsertim §. antec. refutatur), adeo somniis pressio, ut, qualem voluerint, ne cogitari quidem possit.

§. XIV.

Humoris labyrinthi ortus.

Secluso fat superque hisce argumentis ab intimis aurium recessibus aëre; evictaque hujus loco aquulæ eos oppletis existentia; non incongruum erit, circa fontes hujus humoris occupatum esse. Sensibus non tangendos, mente potius explicandos non determinat VALSALVA *f*). Rimari ipsos noluisse videtur VIEUSSENSIUS *g*). Maximi vero momenti sunt CASSEBOHMI verba dicentis: „ad labyrinthum humorem „vel e cranii cavitate per canalis auditorii interna foramina „deferri, vel ab ipsis labyrinthi membranis separari *h*).” Non immerito de claro Viro idem posse prædicari, quod de Præ-

vero ex cochleæ initio aditum semper apertum esse, per quem sonus labyrinthum intraret, tradit.

e) De hujus aëris, ab ARISTOTELE & PLATONE effecti, ortu ac natura ex professo egerunt: FABRICIUS AB AQUAPENDENTE in *Opp. omn. anat.* Lips. 1687. fol. pag. 252. Cap. VIII. & pag. 265. Cap. X. CASSERIUS in *Libro supra citato* pag. 121. & CASPAR BAUHINUS in *Theatro anatomico* 1629. 4to p. 448. Cap. LXI. Refutat hos SCHELLHAMMER in dicto sæpe *Traçtatu* pag. 93 — 96. Contra eosdem sana ratio loquitur; quomodo enim aër, diu asservatus, nec renovatus, a nativitate inde, per

omnes vitæ dies posset elasticus, ad tremores sonoros accipiendos aptus servari? Nihilominus a DU VERNEYO adhuc labyrinthi contentis accensetur in dicto *Traçtat.* pag. 42.

f) Nec assentit nec refellit, quibus, fecerni istum, illius instar, quem pleura, peritonæum, pericardium, tunica testium vaginalis exhalat, probabile videtur, l. c. pag. 51.

g) Ne verbulo quidem rem tangit; difficulter fortasse spirituum animalium, quibus fartum vult liquidum, ortum, se probaturum fore, sensit.

h) Plura de hoc humore se, Deo

ceptore refert MORGAGNI *i)*: non levis momenti quicquam de viis, per quas influeret & reflueret labyrinthi liquor, animo agitare videbatur. „Caveam esse labyrinthum, aliis corporis humani cavitatibus similem, quæ si vivo in animali aperiantur, fumum exhalant, quem vaporem dicere consueverunt; in eamque caveam, uti in has, exsudare ab arteriarum extremis, in membranarum labyrinthi cavum vestientium superficie patentibus;” refert Ill. COTUNNI *k)*; ubi de re nostra agit. Assentiri quidem dictis hisce fontibus cogor, nulla alia in labyrintho parte existente, a qua secretio posset expectari; non tamen ideo putandum, vivi hominis vel animalis in labyrintho vaporem, ad irrorandum, frictiones concretionesque partium arcendas paratum, ut iis in cavis, dispergi; nullum enim in labyrintho cavum adest, in quod diffundere se possent vapores, quippe quod totum ab aquula occupatur. Aptissima itaque mihi comparatio liquoris nostri institui posse videtur cum liquore aqueo oculi, cui ex subtilissimis iridis vasculis continuo quid additur, ut is, resorptione facta, denuo renovatus, suum officium præstet. Neque natura sua convenit aquula nostra perfecte cum liquoribus, morbo prægresso, variis in cavis corporis nostri post mortem reperiundis, qui vivis in animalibus incisis, qui in hominibus, violenta morte defunctis, nulli sunt.

§. XV.

Per experimenta probatur aquulae existentia in vivis animalibus.

Sæpe, dum ejusmodi ratiocinia animo volvebam, mihi que persuadebam, non nisi humoris forma viventium laby-

volente, allaturum promittit; quod non fecisse, omnino dolendum.

i) Epist. f. c. XII. p. 469.

k) Diss. cit. No. XXXI.

rintho, aquulam inesse; vivorum animalium sectione totam rem componi posse, bene perspexi; semper vero non superandæ difficultates tanta grege se mihi obtulerunt, ut, dum felicem successum vix sperare audebam, frustraneum opus aggredi, mihi visus sim. Insigni tamen rei videndæ desiderio flagrans, afferendos mihi curavi quinque feles, non multos post partum dies vegeta sanitate fruantes; in iisque, auxiliatrices mihi manus ferentium duorum amicorum in præsentia, institui experimentum, quod sequitur: Animalculo bene ligato, ipsiusque capitis uno latere mensæ firmiter appresso, ab altero, mihi obverso, libero, retraxi integumenta communia cum abscissa auricula cartilaginea; copiose tunc ex vasorum abscissorum luminibus prodeuntem sanguinem, præsertim e locis ante tympanum, spongia excipiendum supra ipsamque detento indice reprimendum curavi; hujus profluvio sedato, nudatum tympani annulum anteriora versus reclinavi, ex aperta tympani cavitate tenacem mucum extraxi, ut auditus officula & cuncta in tympano distinctissime apparuerint; in nudam fenestram rotundam membrana sua totam clausam, scalpelli apicem immisi; vidi- musque statim prodeuntem limpidam, paulo rubicundam aquulam; stapedem denique agitavi, prodiitque e facto vulnuscule humoris portiuncula. Num ergo in vivi labyrintho vapor? Oculorum testimonium, quoties experimentum repetii, contrarium me docuit.

Ut assertorum veritas eo evidentior evadat, ac experimentum a quovis agnosci queat; delineandas curavi felis auditus organi partes, quæ separata modo pelle, abscissoque meatu auditorio cartilagineo, in conspectum veniunt (Fig. I) Apparet in hac icone tympani membrana, annulo suo, inferne obtuso sine prominente, superne distantibus extremis distincto, contenta; ita posita, ut anterior inferior ipsius pars, interior, posterior superior, exterior; tota vero cum annulo magis in inferiori quam laterali cranii parte, locata sit.



fit; conica simul introrsum a mallei manubrio, quod a superiori ad mediam usque ipsius partem descendit, retracta conspicitur (Fig. I. litt. a.); retro hasce partes cartilaginea laminula, tuberis ad instar, (Fig. I. litt. b.) inter annuli posteriorem partem & occipitis os (Fig. I. litt. e. f.) promi- nens, (quæ tympanum ipsum indicat) videre est; per cujus superiorem partem pellucens fenestram rotundam distin- guere datur (Fig. I. litt. c.).

Secunda & tertia icone illustratur, quam facili negotio in tympani cavum ac ad essentielles labyrinthi partes via pa- retur. Semoto enim antrorsum tympani membranæ annulo, (Fig. II. & III. litt. a.) retrorsum tubere cartilagineo, (Fig. II. & III. litt. b.) patentissima est cochlea in ipsiusque supre- ma parte fenestra rotunda (ibid. litt. c.); sic & habentur ossicula, (Fig. II. litt. d. Fig. III. *malleus* d. *incus* f.) quo- rum præcipuum pro nostra re, stapes nimirum, supra fene- stram ovalem detentus, (Fig. III. litt. e) immisso inter ipsi- us capitulum & incudis crus longum summo cultelli apice, tangitur, omnisque experimenti eventus observatur facillime, si modo duo momenta, sanguinis nempe suppressio, quæ spongia vel agarico obtinetur, & muci, qui tympani cavum obsidet, tenacis abstergio non negliguntur. Sub operatio- ne in vitæ periculo nullatenus versari animal, certo asse- re possum; eorum enim, quæ in Physiologicis institui so- lent circa sanguinis motum, partium sensibilitatem ac irri- tabilitatem experimentorum, plura & ego eodem in ani- mali feci, quod nostrum jam erat perpeffum; licet omnino non parvam sanguinis jacturam fecerit.

§. XVI.

Humoris labyrinthi natura.

Si in aquulæ nostræ naturam inquirimus, videtur illa gelatinoso-aqueæ indolis esse. Similis horum humorum ex



arteriarum extremis, absque intermedia machinula secretionis modus, quem explicuit Ill. HALLERUS *l*); albedo & levissima modo inspissatio, quam a spiritus vitrioli guttula per fenestram ovalem, stapede semoto, immissa, humor noster in capra contraxit; analogia cum humore aqueo antea (§. XIV.) dicta, in quo pariter fila ab affuso nitri spiritu surrexisse vidit Ill. PRÆCEPTOR, enunciatum nostrum tuentur.

§. XVII.

Humoris nostri usus.

Evieta nunc & in vivo animali humoris nostri existentia, quod reliquum nos spectat, est, ut usus, ex eo redundantes, perpendamus. Nullatenus negari potest ille, quem ipsi a primis inde temporibus tribuunt, quemque inter hodiernos primi testes confirmant *m*); partium nempe in labyrintho contentarum humectatio; hanc tamen præcipuam ipsius utilitatem non esse, per ea, quæ sub ejus historia (§. II.) dicta fuere, patet. Cum vero ex iis, quæ ibidem relata sunt, intelligi nequeat, qua ratione soni

l) *Prim. lin. phys.* Goett. 1765. p. 82. no. 194. „Liquores coagulabiles pene ubique ex arteriis absque ulla intermedia machina fecernuntur.” no. 197. „Liquores aquei, non coagulabiles, eadem ratione fecernuntur, uti spissabiles, nempe ex arteriis exhalantibus, quæ, nullo medio folliculo, ex rubris arteriis nascuntur.”

m) SCHELLHAMMER *cit. tract.* p. 234. no. XI. „Tenuissima membrana natura vestiit labyrinthum, eamque vasis instruxit, ut humore

madeat.” VALSALVA pag. 51. „contentæ in labyrintho membranæ ut humescant” &c. VIEUSSENS *cit. libr.* p. 71. „la membrane du labyrinthe est toujours abreuvée d'une liqueur très-claire.” Inter hodiernos Ill. HALLERUS *Elem. Phys.* T. V. p. 290. „Vestibuli nervis, canalium semicircularium periostrio, demum eidem in cochlea vaporem circumfudit natura, qui in iis teneritudinem & mollietiem tuetur ad sensum necessariam.”



per aquulam deferantur ad partes sensu præditas, indicandæ restant partium auditus organi ad aquulam usque functiones, exhibendaque est intra labyrinthum præter aquulam contentorum descriptio. Externorum enim auditus organi instrumentorum in partes, quibus circumfusa est aquula, actiones, ultimum auditus mechanismum absolvunt.

§. XVIII.

Auditus organi partium ab aure externa, ad labyrinthi aquulam usque functiones.

Tremulos aëris nos ambeuntis motus recipit auris cartilaginea, iisque concentrandis infervit præsertim uterque meatus auditorius. Concentrati sonori radii feriunt tympani membranam, quo fit, ut alligatus ei malleus necessario una moveatur. Officulum, tam a tremente membrana, quam a propriis musculis *n*) commotum junctam sibi incudem ferit; quæ iterum motum suum, intercedente lenticulari offe, stapedi tradit; hic insuper proprium musculum habet, quo agente, officulum ita trahitur, ut baseos poste-

D 2

n) Indeterminatus & hodie adhuc est mallei musculorum numerus. Eustachianum, five tympani tensorem, qui COTUNNO mallei rotator audit, omnes auctores describunt, hunc solum sufficere, ipsique pro voluntate relaxato, tympani membranæ remissionem tribuendam esse, egregia Ill. CALDANII sententia est (*libr. cit. pag. 234.*). Folianum magni Viri tuentur, inter quos Illustres ALBINUS,

LOBSTEINIUM & COTUNNUM nominasse sufficiat. Huic sententiæ quoque assentitur B. Pater; veras fibras musculares non semper vidit Ill. HALLERUS. Tertium externum CASSERIANUM laxandi tympani ergo constitutum, Anatomicorum plurimi negligunt; nunquam satis certas fibras vidit Ill. HALLERUS, neque B. MORGAGNI; statuit illum ALBINUS.



rior pars in vestibuli cavum sese immergat o). Eodem tempore aëris externi motus per tympani membranæ tremores communicatur aëri, per tubam Eustachianam in tympanum delato, ac intra ipsum hospitanti; tremens hic ferit prætensam fenestræ rotundæ membranam p) & exiguum ligamenti, quod stapedis basin cum fenestræ ovalis ora ligat, sub stapedis motu, tensam particulam q); tremunt pariter sub quavis aëris externi tremula commotione totius labyrinthi parietes r). Omnium itaque labyrinthi aquulam ambeuntium partium functiones eo tendunt, ut motum, a membrana fenestræ rotundæ, parva ligamenti stapedis tensa portione &

o) A stapedio musculo, quem omnes Anatomici, musculorum minimum statuunt, ossiculum ita moveri, ut posterior ipsius baseos extremitas foramen ovale altius subeat, anterior vero ex ipsa exeat, ad Ill. COTUNNUM usque, imo post ipsum, ut nunc video, a plurimis auctoribus creditur. Immo anteriori hujus baseos parte, posteriorem tantum in vestibuli cavum a proprio musculo adigi; Ill. COTUNNI uberrime demonstrat a No. XXXV. ad XXXVIII. Stapedis a fenestra sua recessum pro tympani aëris in labyrinthum aditu parando necessarium esse, quis hodie credet?

p) Ita CALDANI in *libr. cit.* p. 244. „Membranam hanc ad auditum nil facere, Ill. Viri monuerunt, propterea quod fenestra rotunda & posterior est & tympani cavum fere undique mucos repletur. Mihi vero non adeo videtur posterior, ut a fibrante aëre concuti non possit. Præterea si aër in

tympano inest, quemadmodum inesse certum est, sicuti tremor omnibus hujus aëris particulis communicatur, ita non tremere illa membrana non potest; etiamsi fenestra cui prætenditur, magis ad posteriora conversa foret: imo concussionem aliquam non posset effugere tunc etiam, cum replente mucos, qui & ipse in motu agi debet, obduceretur.”

q) Vid. COTUNNI *Diss. citat.* No. XXXVI.

r) Vid. Ill. HALLERI *Elem. phys.* Tom. V. p. 295. A sonis externis & aëris undis in oscillationes unisonas cieri canales semicirculares & cochleam; ideoque prædura & adeo fragilia facta esse, ut nullum metallum fragilius sit. — Osseos hosce canales contremiscere &c. Cl. MARHERR in *libr. f. c.* p. 311. „Dum stapes tremores hactenus receptos continuat, ipsos parietes osseos vestibuli & canalium semicircularium, & cochleæ, una contremiscere necesse est &c.”



labyrinthi tremantibus parietibus tremulum & etiam hoc majorem, qui a stapede suscitatur, humori, quem immediate contingunt, communicent; mollique humoris contactu, contentæ in labyrintho partes in similes motus cogantur.

§. XIX.

Partium in labyrintho præter aquulam contentarum descriptio.

Promissis ex parte stetimus, earum, quæ ante aquulam auditus organon constituunt partium, functiones indicando; superest jam, ut circa partes, intra labyrinthum ab aquula tangendas versemur s). Harum prima est periostii labyrinthi duplicatura, intra cujus laminae nervosæ medullares fibræ retinentur, ita in vestibulo oblique posita, ut ejus cavum in duas cavitates, aliam anteriorem internam, aliam posteriorem externam dividat, nitida hæc particula, antice nervosis radiatis fibris distincta, qua versus vestibuli fundum vergit, diaphanæ membranæ formam acquirens, *Septum vestibuli nervoso-membranaceum* audit t). Hujus investigatio-

D 3

s) Pertineret quidem ad completam harum pertractationem totius labyrinthi periostii & vasorum quæ in labyrintho distribuuntur, descriptio; quippe quæ partes, præter nervos, omnia sunt, quæ in hoc cavo continentur; cum tamen ad scopum nostrum non adeo spectent, & a summis incisioribus ita exhibitæ sint, ut ipsorum descriptionibus nil addi queat, pro nostra re minus notarum partium hu-

jus cavi, septi nempe & nervorum expositionem sufficere reor; id modo de periostio monens, me nunquam credere, ad id constituendum nervosas partes conferre.

t) Septi vestigium ap. VALS. p. 47. reperitur; his verbis: "in vestibulum ingressos nervos in tenuissimam membranam expandi, quæ modo in vestibuli medio suspenditur, modo, in auribus non recentibus, ejus fornici unita reperitur." Mem-

ne cum diu multumque fuerim occupatus, non inutilem me præstiturum operam spero; si qua methodo princeps particula facillime detegatur, exponam; difficultates enim non facile superandas exercitato quoque Anatomico durissimas partes, vestibulum constituentes, sub investigatione mollissimarum intra idem contentarum parere, facile prævidetur & cuique sub ipsa præparatione patebit.

§. XX.

Methodus septum reperiundi.

Post plurima, varia ratione instituta pericula, vestibulum mox a posteriori crassa substantia, mox a superiori, qua nervorum canali communi continua est, parte, ut detegerem in intimis aurium recessibus absconditam particulam, aperiundo, frequenter tentando expertus sum, a nullo loco labyrinthi, quam a fenestra ovali, melius ac tutius septi disquisitionem institui posse; imo ejus totum medullare initium in fetu videre est, semoto a fenestra sua stapede, resorpta spongiæ frustuli ope aquula, quæ immediate retro hunc est, inspectoque a curvilineo foraminis margine vestibuli cavo: ita vero neque integre neque distincte septum cernitur; huic scopo autem itaque melius obtinendo, duæ sectiones in adulti vel fetus a cranio recenti separato ossæ (§. IV. & VII.) instituendæ inserviunt, quas vero antequam indicam, monenda duo, in adulto præsertim observanda, habeo. Primum est, ut removeatur omnis ea occipitis portio, quæ cum petræ posteriori parte mediante cartilaginea sub-

brana, in vestibulo expansa, non integrum septum a CASSEBOHMIO describitur, *Tract. citat.* pag. 27. §. 234. & depingitur Tab. V. fig.

I. & II. litt. h. fig. III. litt. c. Apud COTUNNUM vero pars exactissime verbis delineata extat in *Diff. cit.* no. XXVI.



stantia nectitur, ipsique sub dicta separatione (§. IV.) adhærens remanet; efficit enim hæc, ut secunda mox dicendarum sectionum inæqualis evadat; quod si accidit, semper frangitur ferrula; ex experientia loquor. Alterum est, ut ab integra ossis temporum superficie interna abstrahatur dura mater; excepta ea, quæ canalem nervorum communem in posteriori petræ superficie subintrat; idque ideo, ut commodius, dum altera sectio instituitur, ferra ducatur; his tuto præmissis, ipsæ sectiones administrantur. Earum primam *preparantem* appello; prorsus eandem, quam supra (§. V.) suasi, uti facile patet, cum hac operatione idem quod sub aquulæ, in labyrintho contentæ investigatione intendatur; per alteram, quam *essentialem* dico, vestibulum, exteriori latiori petræ parti insitum, ab apice, in quo cochlea est, separatum habere volumus; hæc ut exactior fiat, notavi molybdæna vel atramento loca, per quæ ferram ducere constitueram; nimirum dimidiæ circiter lineæ ante fenestræ ovalis anterius extremum, supra cochleæ in tympano eminentiam, per interiorum tympani cavitatis partem ad radicem processus styloidei usque descendendo; adscendendo vero a loco ante fenestram ovalem dicto ad angulum petrosi superiorem; exindeque retro posterius foraminis acustici extremum, ad usque venæ jugularis fossam. Firmiter in retinaculo detento osse; eodem quo lineam ducere inceperam loco, tenuis ferrulæ laminam applico, lenteque eandem per omnem petram agitando, hujus apicem ita refeco, ut cum canali carotico, omnis cochlea, præter initium, recedat. In disquirendæ partis ea, quam per sectionem obtinuimus superficie, superne fundus canalis nervorum acusticorum sedibus notatus, inferne vero cochleæ utriusque scalæ initia, cum illo septi ossi, inter ipsas medii, intuenti se offerunt. Certus nunc, integrum vestibulum a cochlea separatum, & præter exiguum tantum cochleæ ad vestibulum scalæ ostium nullibi apertum haberi; ad ampliandam fenestram ovalem, ve-

stibuli inferiorem parietem interiorisque partem aufero; quod facile fit, rectilineo fenestræ margini cultellum leniter applicando; ubi diffiliunt partes, vestibulum ab hac parte constituentes.

§. XXI.

Per comparisonem recentis vestibuli dicto (§. antec.) modo aperti, cum illo sicci ossis pari ratione tractati, reliqua quæ ad septum cognoscendum spectant absolvuntur.

Per amplum tale ostium in vestibulum introspicere facile datur; cujus septum ut bene distinguatur, iisdem ac diximus (§. antec.) sectionibus apertum vestibulum siccum, ab omni perioestio liberatum, ad latus habere oportet, hoc enim cum recenti vel nudis vel armatis oculis comparato, observatur sicci vestibuli fundus canalium semicircularium ostiis distinctus; in recenti contra incidunt oculi in planum membranaceum, flabelli in modum radiata albarum fibrarum distributione superne, inferne vero lutescente colore, qui a pellucente aquula est, notabile. Id ipsum vero septum nostrum esse, & tunc luculenter apparet, cum planum tibi obversum stylo pertundis, ipsiusque partes lateraliter dimoves; habes enim tunc vestibuli recentis fundum nulla nota ab illo sicci ossis diversum. Sub ipsa hac operatione discimus simul, tam ante septum, quam retro idem aquulam contineri; prorumpit enim hæc, quamprimum ab adhæsione solveris septum, in loca vestibuli anteriora. Ex comparativa præterea ejusmodi exacta inspectione, palam fit: in anteriorem vestibuli cavitatem hiare fenestram ovalem, aperturas anteriores canalis semicircularis perpendicularis superiori



rioris & horizontalis, pariterque (ni plurimæ observationes me fallunt) ostium scalæ cochleæ ad vestibulum *u*); inter hæcce ostia depressionem, quæ MORGAGNII *x*) cavitas femiovalis, CASSEBOHMII *y*) elliptica est, ante septum quoque locatam esse, facile patet; reliqua vestibuli loca cavitatem ipsius posteriorem constituere, ipsamque id cavum esse, in quod canalium perpendiculararium commune, horizontalis posterius & perpendicularis posterioris proprium ostium aperiuntur & cavitas hemisphærica *z*) ac fulciformis *a*) sitæ sunt, ex nota vestibuli structura palam fit, quisque etiam facile perspicit ibi ubi dictorum cavorum limites concurrunt, eum locum esse, cui adhæret septum. Præ reliquis distinguitur in sicco osse ea spina, quæ inter cavitatem hemisphæricam & femiovalam media est & pyramis ossea *b*), unde septum prodire incipit.

§. XXII.

Labyrinthi nervi.

1) *Vestibuli.*

Præter dictam tenerrimam membranulam, quæ, ut postea patebit, essentialis pro auditus mechanismo pars est; resident adhuc in labyrintho eæ partes, a quibus immediate auditus sensus pendet; nervos volo. Antequam, quid circa ipsos, post sæpius repetitas disquisitiones mihi innotuerit, expo-

E

u) Retro septum cochleam in vestibulum aperto ostio hiare; Ill-COTUNNI vidit. Favet hic habitus omnino melius aquulæ intra labyrinthum circulationi.

x) *Epist. cit.* XII. p. 384.

y) *Cit. tract.* V. §. 169.

z) MORGAGNI *ibid.* CASSE-

BOHMII *Orbicularis*, *ibid.*

a) MORGAGNI p. 385. Nostræ Tabulæ Fig. V. IX. XIII. XV. litt. a.

b) COTUNNO in *Diff. cit.* §. III. primum dicta nova particula quotidianis mihi observationibus in hominibus æque ac in animalibus confirmata est.



nam; præmonendum habeo: nullam in labyrintho partem nervis accensendam esse, præter eas, quæ medullari albo colore ac molli substantia præditæ sunt. Eo magis hoc annotare necessarium reputo, cum ad hanc rem non attendentes in gravissimos errores inciderint summi Viri VALSALVA & VIEUSSENSIUS, quorum zonæ, tam canalium semicircularium quam cochleæ, quas a nervis deducunt *c)*, nil certe nisi periostrum harum partium sunt, quod, quamdiu humidum est, propter peculiarem plane colorem rubicundo-cinereum, (præsertim si aquulæ portio jam effluxit) ubi vestibuli parietes investit, nerveam expansionem, nervea vero filamenta, ubi canales semicirculares & cochleæ ad vestibulum scalam subintrat, omnino mentitur *d)*. Duplici modo medulla in vestibulo distribuitur; alia tenerrima membranula, quæ tamen de albedine ejus vix aliquid demit, oblecta apparet, alia contra naturali suo colore prædita, nuda intuenti sese offert; illius pulcherrimæ sunt eæ fibræ, quæ inter septi duplicaturam radiatim sparguntur, versus superiorem & anteriorem vestibuli partem in unum punctum concurrentes; efficiunt hæc medullare flabellum, quod septi nervosam partem constituit, eodem modo in animalibus *e)* ac in fetu & adulto se habens, ut & nunc in exsiccatis caute fetuum septis coram videmus; aliæ membranula oblectæ deprehenduntur; eæ nempe, quæ retro septum in posteriori vestibuli cavitate locatæ sunt; has accuratissime inspecto, vitri convexi ope, septo, diversimode conformatas, in aquula fluitantes sæpe observavi, præsertim in

c) VALSALVÆ *Opp. cit.* a no. XII. ad XV. VIEUSSENS *Traçt. cit.* Cap. VI.

d) Perfecte idem periostrum labyrinthi tam hominis, quam animalium color est, quo nervi intercostalis fines (seu, si mavis, radices)

omnisque hujus nervi superior pars insigniuntur.

e) In vitulo præsertim longe minores difficultates, quam in homine, parit difficilium nervorum investigatio; ibi frequenter pari modo se habentes vidimus partes.



fetu; albo denique colore produnt se nerveæ ante septum expansiones; quas sub duplici habitu sæpe animadverti, maculæ nimirum albissimæ instar in inferiori septi parte locatæ & fili medullaris, ad ostium anterius canalis horizontalis tendentis.

§. XXIII.

2) *Canalium semicircularium & cochleæ nervi.*

Difficilius est in canalibus semicircularibus, quales sint mollis nervi expansiones determinare, in fetu tamen id succedit, ubi sat facili negotio aperiri & eorum cava lustrari possunt *f*). Aperui itaque primum canalem perpendicularem superiorem per omnem ambitum, in eoque bis reperi ad mediam usque ipsius partem procedens filum medullare albissimum, illi parti continuum, quam retro septum antea fluitantem videram, canalis horizontalis anteriorem partem aperiens, simile filum in ipso ad quarundam linearum spatium expansum observavi, continuum illi, quod nudum ante septum, ostium hujus canalis anterius subire antea dixi, in inferiori canalis perpendiculis posterioris parte, aliquoties similem striam medullarem, inferius ipsius ostium a vestibulo inde intrantem rimatus sum. Alio quoque modo horum canalium pulsam videre licuit, extracto nempe ex ipsis periostio; quod, quam primum aquula effluxit, in filum abit, semipellucidum, facile e canali extrahendum; in eo enim huc & illuc moveri poterat medullaris portio.

E 2

f) Pro zonis suis quas pro nervis habet reperiendis jubet quidem ovium canales semicirculares ab exteriori latiori ambitu aperiri VALSALVA pag. 49. Sæpius una vice id feci; malo tamen ampliores cana-

les fetus humani medullarium expansionum ergo, quam angustissimos animalium in quibus vix nervos non nisi rugas periostei videre datur, inspicere.



Exinde deduco: esse revera pulpam in canalibus semicircularibus, quæ intra eosdem, quamdiu aquula repleti sunt, fluitat; nunquam tamen integrum eorum cavum pulpa esse repletum, ut crederet, qui VALSALVÆ icones adspicit *g*). Quod nervorum intra cochleæ cavum distributionem attinet, tetigimus & hanc sæpius in adulto, in fetu & in animalibus; multum tamen abest quin viderimus ea, quæ describit Ill. COTUNNI *h*), aperto enim cochleæ tubo a foramine rotundo inde ad usque tertium ipsius gyrum ita, ut supra & infra septum utraque scala perioestio induta lustrari potuerit, etiam vitrorum objecta multum augmentum ministerio, nil intueri licuit, nisi albas inter trabeculas cochleæ *i*) strias. Discifus autem per mediam partem nucleus, medulla fartus omnino a nobis fuit visus *k*).

§. XXIV.

Nervi acustici extra labyrinthum descriptio.

Colliguntur dictæ in vestibulo (§. XXII.) & canalibus semicircularibus (§. XXIII.) nerveæ expansiones in duos præcipuos ramos *l*), qui per reticulata duo, tenuissimis ostiis

g) VALS. *Opp. cit.* Tab. VIII. Fig. VII. VIII. IX. X.

h) *Diff. cit.* No. XXV. Ramulos nimirum in spiralem cochleæ laminam certissime duci.

i) In fetu præsertim, dum vitro convexo lustratur cochleæ cavum; a modiololo inde ad superiorem septi ossei superficiem & ab inferiori ad modiololum tendentes radii ossei conspiciuntur; hæ sunt trabeculæ five columnæ scalarum; has cavas esse, nervorumque, qui ad cochleæ

spiralem laminam distribuuntur, transitui dicatas, suspicatur Ill. COTUNNI, §. XXV.

k) Observationes nostræ circa labyrinthi nervos cum plurimum conveniant cum elegantissima horum descriptione ab Ill. COTUNNO in *Diff. sæp. citata*, exhibita; ad §§. XXII — XXVIII. *Diff. cit.* lectorem remittimus.

l) Ita DU VERNEY in lib. cit. p. 47. Tab. X. Fig. X. litt. a. b. quinque VALSALVA l. c. pag. 47.



pertusa in pariete vestibuli interiori loca, e vestibulo exeunt; horum ramorum alter anterior superior est ille, a quo septi medullaris pars, macula alba & filum medullare ante septum visa, ortum deducunt; posterior medius alter, a quo proveniunt partes retro septum in vestibulo visæ. Hi duo rami postquam per breve spatium separati intra vastiorem canalis communis fundum pervenere, uniuntur intra hunc canalem; unitisque accedit ab inferiori parte tertius, qui e coeuntibus intra cochleam distributis, ramis (§. XXIII.) per tenerrima ostia modioli bascos e cochlea exeuntibus, originem ducit; crassitie, albedine ac mollitie longe superat vestibuli ramos hic cochleæ nervus, EUSTACHIO jam notus *m*). Tres hi nervi intra canalem nervorum communem, qui soli homini, nulli animalium est *n*), unum truncum constituunt, qui duram nervi acustici partem antice ita appositam habet, ut eam amice in sinu recipiat *o*). Truncus hic, hodiernis nervus mollis septimi *p*), veteribus quinti nervorum cerebri paris dictus *q*) finitur tandem, uti meæ me ob.

E 3

no. XI. Non constantem semper numerum observavit CASSEBOHMIUS; vid. *Traçt.* 5. pag. 25. §. 230.

m) Vid. *Tabb. Eustach.* explanationes, Auctore Bernh. Siegf. ALBINO, Leidæ 1761. p. 102. 18. Tab. XVIII. & Barth EUSTACHII *Opusc. anat.* Delphis 1726. p. 136. Præcipuam nervi propaginem ad cochleam procedere docet; num vero instar operculi eidem incumbat, an vero alte penetret, & in spiras ejus ossis convolvatur, propter difficilem administrationem hæsitat.

n) Ab orificio auditorio interno quod calami scriptorii figu-

ram refert, procedit homini canalis, sex lineas fere semper longus, terminatus obtuso fundo, nervorum vestibuli duobus superioribus sedibus, initio aquæductus Fallopii & cochleæ nervi spirali sede distincto. Ejus loco in quadrupedibus & avibus nil nisi depressio parum profunda observatur. In vitulo & fele porus a nobis exhibetur in Fig. XIII. & XV. litt. n.

o) Vid. DU VERNEYI Tab. XI. Fig. III. litt C. B. B.

p) A WILLISIO inde vid. ipsi *Anat. cerebri* p. 110.

q) A MARINO, GALENI Præceptore, inde ad WILLISIUM ut-

ervationes docuere, partim in ventriculum quartum, partim in protuberantiæ annularis WILLISII posteriorem partem r).

§. XXV.

Aptum sonorum medium labyrinthi aquula est.

Non aliter quidem quam per aquulam ad nervum sonos deferri posse, jam conceditur, quippe quæ sola nervos auditui dicatos immediate contingit, Physicorum observata, per quæ efficitur: aquam sonis recipiendis & transmittendis aptam esse s), rem evidentiorum reddunt. Nondum tamen ita certe constat, num & humor labyrintho inclusus reci-

que; vid. GALENI de *Usu partium* Bas. 1761. L. IX. C. 10. & de *Nervor. dissectione*, Cap. 6. p. 106. VESALII de *C. H. Fabr.* Lib. IV. Cap. 8. p. 368. Leonh. FUCHSII de *C. H. Fabr. epit.* Lugd. Batav. 1555. EUSTACHII *Opusc. anat.* Delphis 1726. p. 136. Vidus VIDIUS de *Anat.* L. III. p. 81. Felix PLATER de *C. H. Struct. & Usu lib.* 1583. p. 122. &c.

r) Ita aliquoties vidi. Radices e ventriculo quarto unice describit Ill. HALLERUS in *Elem. Phys.* T. IV. p. 225. A posteriori eminentiæ annularis WILLISII illum una cum duro ortum ducere, omnis antiquitas præter PICCOLHOMINUM credidit; vid. ipf. *Prælect. anat.* Romæ 1586. pag. 300. Ortum e ventriculo quarto depingit RIDLEY in *Anat. cerebri*, Lugd. B. 1750. Fig. VII. itt i.

s) Vid. MUSSCHENBROECK In-

trod. ad philos. naturalem, Lugd. Batav. Tom. II. pag. 930. ubi demonstratur, sonum ex aëre aquam ingredi, ex hac in illum exire; in aqua percipi. Tres homines ad duorum pedum altitudinem sub aqua merfi audire alta voce clamantem Nob. ARDERON. Ab ipsis duodecim pedes sub aqua merfis auditum fuit tormentum in aëre explosum testibus, *Phil. transact.* no. 486. Sub aqua duos pedes alta commorans diversos sonos eodem tempore in aëre excitatos audivit, vocisque humanæ articulationes distinguit NOLLETUS *Memoires de l'Academie royale des sciences, de l'année 1743.* Paris 1746. p. 206. Imo sub aqua fortiores reddi sonos Idem habet p. 223. Denique & pisces sub aqua audire, verosimile est. MUSSCHENBROECK l. c. pag. 931. & 932. Ill. HALLERI *Elem. phys.* Tom. V. p. 292.



piendis, qui ipsi ab extus a viribus supra indicatis impinguntur motibus aptus sit, necne; duplici modo hanc aptitudinem mente concipere possumus, vel compressione aquulæ ipsius id fieri, vel assumpto spatio intra quod illa libere moveri possit. Ad primum quod attinet, qualis compressio in tanta humoris resistendi vi *t*) & virium quæ in aquulam agunt tenuitate *x*) cogitari potest? Certe nulla; alterum ergo superest, spatium nimirum in labyrintho esse debere, mediante quo motus a stapedis impressione ortus, ad singula quæque puncta cavi aqua repleti propagari queat, hoc spatium largiuntur abunde diverticula duo *y*), labyrinthi cavo continua, per quæ extra ipsum aquulæ portio eliminari & novæ accedenti undæ locum cedere potest. Ad horum nunc transeo historiam.

§. XXVI.

Per labyrinthi cum mercurio injectiones probantur duo diverticula in homine & animalibus.

1. In maceratis ossibus.

Horum diverticulorum existentiam nullo modo melius

t) Nequaquam hucdum effectum est, num aqua in universum revera compressibilis sit, an non; alii asserunt, alii negant; vid. MUSCHENBROECK l. c. Tom. I. pag. 575. & seqq. Compressibilem esse suspicatur NOLLET l. c. p. 221. MUSCHENBROECKIO, qui id negat, assentitur Ill. Physices hujus Univ. Professor SCHURERUS, per cuprei enim globi aqua repleti preloque subjecti poros, penetrare vidit aquam Ill. Vir. Certe si unquam se in minus volumen per pressionem

redigi patitur; id omnino non nisi a summis viribus poterit fieri.

x) Vid. §. XVIII. in fine. Quid tremulus membranæ fenestræ rotundæ, parvæ ligamenti stapedis officuli actio pro comprimenda aqua, qua totus fartus est osseus labyrinthus, efficere valerent?

y) Ipsa hæc Ill. COTUNNI aquæductus sunt, quorum ergo paucis æquiparanda *Dissertatio* sæpe allegata conscripta est.



probari posse, quam si integer labyrinthus ita mercurio repleatur, ut legat vias, quas in vivo occupat aquula, post varia tentamina, demum sum expertus. Ejusmodi injectiones hac ratione instituere soleo: os siccum, eodem modo dissectum, ac §. XXI. dictum fuit, ita firmo, ut inferiora spectet petrae superficies posterior; patienti fenestrae ovali immitto rectum tubulum, quo pro mammae glandularum injectione utitur Cl. MONROUS, interstitium hunc inter & fenestrae ovalis ambitum cera obturo, pariterque fenestram rotundam 2), ne ullum ab hac parte ostiolum remaneat, quo hiaret labyrinthus, tunc speculi frustum ita mensae impono, ut tota petrae posterior superficies & inferior ab eo excipiantur, denique tubulo mercurium infundo, & in speculo, quid accidat, observo. Sic in fetuum humanorum & animalium, leporis, vituli, ovis, cervi & caprae, in quibus experimenta cepi, ossibus facile & semper, in iis hominum adultorum difficilius & rarius a) prorumpentes cernuntur duobus e locis, altero in petrae posteriori, altero in inferiori superficie, nudi mercurii globuli. Succedente ita experimento; probata habentur quaesita; non enim potuisset extra labyrinthi caveam vagari mercurius, si praeter cochleae & canalium semicircularium ostia nulla in id hiarent. Peculiares vero vias, semper apertas, per quas transit mercurius, non canales, in recenti osse a vasis vel aliis partibus obturatos, esse; per injectiones pari modo in recentibus ossibus & in siccis, sed a membranis nondum liberatis institutas, postea evincetur.

§. XXVII.

2) Sub tali vero obturatione bene cavendum, ne nimis infra cochleae ad tympanum scalam adigatur cera; obstrueretur enim alterius diverticuli ostium, quod statim retro fenestram rotundam exstat. Haec cautela maximi momenti est.

a) Bis mihi tantum experimentum successit; in causam inquirens, plerumque ostiolum, per quod intrare debuisset mercurius, in cochlea obstructum, propter non diu fat protractam macerationem reperi.

§. XXVII.

Horum diverticulorum initia & fines.

Declarata sic diverticula exactiori examini subicere eorum novitas exigit, quippe de quibus nemo ante COTUNUM *b)* quid dixit, nec quæ hæcenus a nobis dicta sunt, sufficiant ad eorum habitum satis perspicendum. Instituemus eorum examen ab iis inde locis, per quæ prodire mercurius fuit visus; quoniam absque ullo labore hæc observantur; eorum alter est obliqua rima in superficie petræ posteriori, medio inter foveam sinus lateralis duræ matris & posterius obtusum foraminis acustici interni extremum, loco, ita posita, ut superior ejus finis exterior, inferior interior sit; talis loco semper eodem, figura vero, longitudine & latitudine diversa in adulti hominis osse se offert *c)*; in fetu nondum perfecta *d)*, in animalibus diversimode efformata est. Alius locus est apertura triangularis in inferiori petræ superficie, retro lunatam lamellulam osseam, sub foramine acustico interno, a margine hujus ossis inferiori posteriori prominulam *e)* inter fossam venæ jugularis & petræ apicis asperam partem, inferne latior, quo magis adscendit,

b) Nostri diverticula Ipsi sub aquæductuum nomine veniunt, eorum ergo egregium opus scriptum est.

c Rima hæc a plurimis Osteologorum, saltem quorum descriptiones existant, plane negligitur; depingit illam absque utilitatis determinatione CASSEBOHM, vid. ipf. *Traçtat.* IV. f. c. Tab. II. Fig. II. litt. h. In icone Ill. COTUNNI *Diff. annexa* Tab. I. Fig. I. litt. m. m. habetur sub nomine rimæ

aquæductus vestibuli; per comparisonem utriusque iconis, quam diversa in diversis subjectis hæc rima sit, elucescit.

d) COTUNNI Tab. I. Fig. IV. litt. g. k. i.

e) Particulam tenuem arculi excavati in modum in margine petræ inferiori posteriori conspicuam depingit & describit Ill. COTUNNI sub nomine januæ aquæductus cochleæ vid. Fig. I. litt. p. p.



eo arctior; in fetu ovale ostium idem locus refert *f*); in animalibus mox conico ambitu, ut in capra video, sæpissime vero ovali, qualis fetui est, notatur; hi sunt exteriores & posteriores diverticulorum fines; difficilius paulo reperiuntur ipsorum initia; attamen de iis sollicito plura subsidia se offerunt, quibus ad ea investiganda cum successu uti potest; utrumque in labyrinthi cavo esse, jam dictum fuit; eorum unum in vestibulo, alterum in cochlea reperiri, tam per retrogradas injectiones a locis, a quibus sub nostris experimentis effluxit mercurius labyrinthi cavum versus institutas *g*), quam per Ill. COTUNNI labores *h*) persuademur; vestibuli locus per exactam MORGAGNII cavitatis sulciformis descriptionem *i*) illustratur; hæc enim ipsum diverticuli vestibuli initium sistit; eundem indicant CASSEBOHMII *k*), ALBINI *l*) & nostræ icones *m*). Pro reperiundo eo sequentia adhuc confilia addimus: temporum ossa, tam juniorum quam adultorum hominum & animalium per diutissimam macerationem ab omni membranaceo liberata, ac probe dealbata, dissecentur eadem ratione ac pro septo vestibuli reperiundo id fieri debere diximus (§. XXI.), patente ita lato in vestibulum oculis aditu, omnis cura in eo versari debet, ut ostium canalium perpendicularium commune a reliquis canalium semicircula-

f) COTUNNI Tab. I. Fig. IV. litt. l. l. m.

g) Cavum labyrinthi ab anteriori parte apertum speculo excipio, triangulari aperturæ, retro lunatam lamellulam, immitto tubulum re-ctum, omne spatium circa illum cera obturo, tubulo mercurium infundo, tuncque in cochleæ apertæ initium oculos dirigens, habeo ipsius diverticuli initium; tenerri- mi enim ibi prorumpentes globuli ad indicant; ad originem diverticuli

vestibuli reperiundum, in recenti osse a cavulo quodam membrana- ceo (mox dicendo) inde vestibulum versus globulos mercurii adigo.

h) Vid. *Disf. sæpe cit.* No. LVI. LVII. LVIII. & No. LXXIII.

i) *Epist. cit.* XII. p. 385.

k) l. f. cit. Tab. IV. Fig. VIII. litt. h.

l) *Annot. acad.* Leidæ 1758. Lib. IV. Tab. I. Fig. VI. litt. o.

m) Fig. V. IX. XI. XIII. XV. litt. a.



rium, in id hiantibus, distinguatur, id quod facile tam per sedis ejus in posteriori superiori parte cognitionem, quam per immixtas ostiis canalium fetas, obtinetur *n*); supra hoc ostium vestibuli parietem superiorem vitro convexo si attente consideraveris, non poteris non videre ostiolum, a quo versus vestibuli superiorem & interiorem parietem producuntur duæ prominulæ lineæ osseæ (Figg. V. & IX. litt. a.), quodque ipsum non nisi tenui laminula ossea ab ostio canalium perpendicularium communi, (Figg. iisd. litt. c.) separatum est; non differt ab illo adulti hominis, ostiolum in fetu (Fig. XI. litt. a.) in animalibus vero semper minus est. (Fig. XIII. & XV. litt. a.) Ad alterius diverticuli in cochlea ostium reperiendum facit omnino DU VERNEYI figura *o*) & loci determinatio *p*), licet usum hic non recte indicaverit; illustrat eum & CASSEBOHMII nitida cochleæ apertæ icon *q*). Quodsi vero unquam anatome comparata pro auditus organi partium investigatione infervit; ea pro hoc ostiolo reperiundo certe ante omnia commendari meretur; in animalibus illud manifestius viderunt MORGAGNI *r*), & COTUNNI *s*). Age jam: compares tibi vituli os temporum, sit recens, sit maceratum; aperias cochleam a fenestra rotunda inde ita, ut utraque ipsius scala cum septo intermedio pateat; inspice tunc amplum tympani scalæ retro fenestram rotundam initium; deprehendesque idem inferne terminari in ellipticum ostium, (Fig. XIII. litt. b.) adeo amplum, ut crassum setæ leopardinæ extremum admit-

F 2

n) Juvat ad reperiendum hoc ostium diversi coloris fetas patentibus canalium ostiis immittere, ubi enim duarum diversi coloris fetarum fines prorumpunt, ibi certus es, ipsum hoc esse.

o) *Libr. cit.* Tab. X. Fig. VIII. litt. B.

p) *ibid.* p. 41. *Dans la rampe inferieure du limaçon près de la fenêtre ronde &c.*

q) *l. cit.* Tab. V. Fig. VIII. litt. a.

r) *Cit. Epist.* XII. §. 60. p. 464. in vitulo & agno.

s) *Diss. sæpe cit.* No. LXXXI. in equo.

tat; cognita sic ostioli fede, successive ab animalium juniorum ossibus, in quibus amplissimum est hoc ostium (Fig. XV. litt. b.) ad ea fetuum humanorum, ubi minus & ad rotundum magis accedens (Fig. XI. IX. V. litt. b.) exstat, transi-

§. XXVIII.

Diverticula ipsa, qualia homini adulto, fetui humano, vitulo & felis fetui sunt, describuntur.

Inter dicta nunc extrema, cava intercipi, tam injectiones, quam immissæ utriusque diverticuli initio a labyrinthi cavo inde setæ conicæ *t*) declarant; quippe quæ iisdem e locis emergunt, e quibus prodire visi sunt mercurii globuli. Qualia vero diverticula sint ratione figuræ & directionis tunc demum discitur, cum lima & scalpello ad ossa accedimus & eruimus ex istis loca, intra quæ setæ immissæ hærent; per ejusmodi operationem enim constat, unum horum diverticulorum canalem esse, qui a posteriori superiori vestibuli parte, angusto *u*) valde initio (Fig. VI. litt. b.) extrorsum & retrorsum procedit, ubi is vero e vestibulo emergit, (Fig. IV. litt. o.) ac retro canalem communem, (Fig. ead. litt. h.) in quem coeunt canalis semicircularis perpendicularis superior (litt. k.) & posterior (litt. i.) fertur, directionem priorem mutat, ac, dum ad inferiora per duram crassamque ossis substantiam

t) Cylindricæ, quales porcis sunt, absolute exulare debent; sive enim tenues sunt, tuncque flectuntur, sive crassæ, & hæc initia diverticulorum non intrent, hinc ex rostris quadrupedum & vulpium evulsis usus est COTUNNI; mihi semper aptissimæ visæ sunt illæ, quæ circa leporum os occurrunt.

Magni omnino momenti setæ delectus est; tenuissima pro initio cochleæ diverticuli requiritur.

u) Determinare diametrum diverticulorum internarum angustarum partium necessarium non reputo, cum a quovis hæc possit ex setæ, quam immisit, crassitie facile æstimari.



descendit, sensim sensimque dilatatur cornu compressi in modum, donec terminetur in illa rima, (Fig. IV. litt. d. VI. a.) de qua antea fuit dictum. (§. antec) Alterum horum diverticulorum canalis est a dicto cochleæ in tympani scala loco (Fig. V. litt. b.) ortum ducens, exinde attenuatus (Fig. VII. litt. b.) sub canali nervorum communi (Fig. IV. litt. n.) introrsum prius, dein inferiora & posteriora versus tendens, lente tubæ ad instar amplior factus, retro lunatam lamellulam antedictam, triangulari extremo, in inferiori petrae superficie apertus. (Fig. IV. & V. litt. c. Fig. VII. litt. a.) Talia in adulto homine se offerunt; horum in fetu tam humano, quam animali, non nisi rudimenta sunt; exiguus enim iis a vestibulo inde canalicus, qua hoc respicit, angustior, qua extrorsum tendit, latescens, (Figg. X. & XIV. litt. d.) non ultra communem canaliū semicircularium partem extenditur; valde incompletum iis, præsertim vero animalibus est cochleæ diverticulum. (Figg. X. XI. XIV. XV. litt. e.) Longo admodum & angusto vestibuli diverticulo præditus est vitulus, tam forma quam directione ab illo hominis diverso. (Fig. XII. litt. d.) istud cochleæ recta fere linea ex angustiori superiori parte in inferiorem latiore finitur. (Fig. XII. litt. e. Fig. XIII. litt. b e.) In genere ex frequenti harum partium in animalibus denudatione didici: illas adulti animalis cum illis adulti hominis, junioris vero cum fetus humani maxime convenire.

§. XXIX.

*Per injectiones 2) in recentes labyrinthos factas
probantur diverticula.*

Si eodem ac §. XXIV. dictum fuit modo, deterfo prius omnia locis circa fenestram ovalem, remoto stapede, humi-

do x), mercurius in labyrinthos recentes vel perioestio adhuc indutos, sed exsiccatos injicitur & observantur ea, quæ superficiebus, in speculo exceptis accidunt; non statim quidem duobus dictis e locis, ut in maceratis ossibus, prorumpentes conspicui sunt nudi mercurii globuli; prodeunt enim hi tantum retro lunatam lamellam y), cui in recenti osse plica duræ matris accedit ejusdem figuræ z); dum vero oculos ad alium locum inter sinum duræ matris lateralem & foramen acusticum internum medium dirigimus, cernitur in sicco osse, mercurius sub pellucente dura matre colligi; in recenti vero ibidem in tuber notabile coit; aucta mercurii in tubulo copia, vel facta in tuber pressione, novum spectaculum oculos ferit; transit enim mercurius in vascula supra sinum decurrentia, antea nullatenus distinguenda, simulque ipsius globuli in sinum duræ matris lateralem colliguntur, exindeque, per abscissam venam jugularem, prope ejus fossam effluentes, in speculo conspiciuntur; ita in fetu humano, ove, vitulo, lepore & cervo sæpissime succedit experimentum; in adultorum hominum ossibus frequenter repetitum fuit; semper egregie tuber & vascula, supra sinum decurrentia & in sinum terminata in his sese manifestarunt; semel nudi retro arculum membranaceum visi sunt extus cedentes mercurii globuli. Patet ergo, & in recenti osse per duo loca e labyrinthi cavo vagari mercurium;

x) Maxime necessaria est hæc cautela; nec prius ad recentis labyrinthi injectionem procedendum est, nisi spongiæ ope resorpta e labyrintho omni aquula, siccoque perfecte circa fenestram ovalem tympani pariete; intercedens enim inter os & ceram humidum impedit, quo minus claudi queat interstitium inter tubulum & fenestram; hoc autem vel minimo relicto, effluit

mercurius & succedere nequit experimentum.

y) Vid. XXVII. nota d.

z) Locus hic, qui diverticuli cochleæ inferius extremum est, in recenti osse notatur ramo quodam octavi nervorum cerebri paris, qui mihi aliquoties in tympani cavitationem intrare & supra cochleæ perioestium distribui visus est. Delineatur apud COTUNNUM in *Diff. cit.* Tab. II. litt. k.



dari ergo vias semper apertas, per quas ex hoc, in vivis mota aquula cedere queat; simulque per experimentum illustratur per diverticulum vestibuli eliminatam in proprium cavum, per diverticulum cochleæ autem extus cedentem, in basin cranii, uti nudis mercurii globulis id accidit, deferri.

§. XXX.

*Phænomena, sub hisce injectionibus apparentia, rimantur;
ac primo quidem tuber rimam inter & sinum
duræ matris exsurgens.*

Si inquiritur in diverticula, per has injectiones probata, tam initia quam cava ipsorum supra descripta a), in recenti osse ab iis macerati, nulla alia ratione diversa reperiuntur, quam quod in illo periostio intus obducta sint b); aliter autem se res in exterioribus extremitatibus habet: Mercurius enim, in sicco osse, sub pellucente dura matre collectus, in recenti tuber constituens declarat: vestibuli corniforme diverticulum in cavum quoddam membranaceum terminari, rimam inter & sinum lateralem duræ matris situm; cavum hocce egregie videre est in basi cranii vel fetus vel adulti hominis, vel cujuslibet animalis, absque prægressa maceratione exsiccata, dura matre bene obducta, quoniam per exsiccationem nulla duræ matris loca, præter ea quibus cavum subest, pellucida evadunt; ita vero nil de eo, nisi exterior figura, quæ triangulum, a quo apex resectus fuerit in homine refert, in animalibus vera ad figuram quadrilateram magis accedit, conspicua fit. Ut integrum cognoscatur, ad ossa recentia, dura ma-

a) §. XXVII.

b) Est periostium hoc a dura matre tam per rimam diverticuli vestibuli, quam per triangularem aperturam alterius diverticuli subcunte; hanc, ubi labyrinthi ca-

vum subintrat, hujus parietes obducere ac ad periostium ipsius cavi constituendum plus facere, quam tunicæ nervi mollis ad id conferunt; mihi quoque maxime verosimile videtur.

tre in totum obducta, recurrendum est; in his enim fissa, rimam c) inter & foraminis acustici posterius extremum ad os usque dura matre, & ultra rimam retracta & extus ad hujus obliquum ductum vulnerata, vel longitudinali sectione sinum versus discissa; apparet cavulum distinctissimum, conicum, qua sinum tangit latius, septulis distinctum, qua vero rimam subit, angustius & politissimum d), id ipsum aquulæ, quæ e labyrintho per corniforme diverticulum eliminatur recipiendæ, dicatum esse, indeque bene *aquulæ receptaculum* dici, palam fit, cum quamprimum aperitur, nunc plus nunc minus, humore madens, conspiciatur. Nos glacie factum in sex temporum ossibus vidimus.

§. XXXI.

Vasa lymphatica diverticulis continua.

Alterum sub injectionibus nostris phænomenon erat vasorum ante injectionem non videndorum, hinc nec sanguinis globulorum capacium, quorum alia supra sinum decurrunt, alia in eum terminantur, repletio, priora illa numero non semper eadem, truncos a latiore receptaculi parte provenientes habent, inque ramos partita, exteriora versus feruntur, tandemque partim in venas duræ matris, partim in cellulosam telam, hujus laminis interpositam, finiuntur e): talia se nobis

c) Supra hanc quidem ita tensa est dura mater, ut ejus ne vestigium quidem appareat; facile vero, si modo in macerato osse compertam habes, eam in recenti deteges; indicis apicem supra locum versando, ego illam saltem detegere non potui.

d) Apertum cavum in Tabula secunda a COTUNNIO delineatur

litt. S. Imo & in osse macerato retro rimam ab hoc cavo facta depressio semper animadvertitur, quam vellem *foveam receptaculi* dici.

e) Vid. de hisce vasis apud inventorem, III. COTUNNUM in *Diff. cit.* No. LXV. qui ea unice in venas duræ matris terminari monet. Ipsa delineata offert Tab. II. litt. x. x. x.



nobis in hominibus æque ac in bestiis sæpe manifestarunt. Num inde fortasse posset deduci; alia horum vasorum e tela cellulosa duræ matris liquidum resorbere, idque per ramos ad truncos in receptaculum, in quod hiant, deferre, ne unquam humor in partibus labyrintho continuis desit; alia vero e receptaculo nimiam aquulæ copiam inhalare, exindeque in venas sanguineas proximas deferre, sicuti pluribus in corporis humani partibus id fieri, docuit B. PATER *f*), cujus præmaturam mortem adhucdum acerbe lugeo: vidimus certe sub injectionibus nostris & nunc in exsiccatis post injectionem contemplamur extravasatos in duræ matris cellulosa mercurii globulos & certe absque ullius vasis ruptura. Ea quod attinet vascula, quæ e receptaculi cavi posteriori & exteriori parte ortum ducunt, ac brevissimo itinere in sinum tendunt; hæc tam per integri labyrinthi injectiones & melius adhuc mercurii globulis receptaculo immixtis, sinum versus adactis *g*), hoc lateraliter aperto ac speculo excepto nobis adeo sæpe fuere confirmata, ut circa ea ne minimum quidem dubium supersit. Non vero ex hac tantum parte ejusmodi vasa resorbentia lymphatica se nobis obtulerunt; sed & per tubulum, extremitati cochleæ diverticuli inferiori immixtum, sæpius a nobis in saccum venæ jugularis pulsi sunt mercurii globuli *h*).

G

f) Vid. Ejus Diss. epistolaris de *Vasis lymphaticis* ad Ill. HALLERUM Berolini & Stralsundiae 1772. pag. 18. & seqq. Vasa lymphatica ventriculi in hujus venas terminari vidit; & *Nova experimenta de finibus vasorum lymphaticorum*, Berolini 1772. p. 5. Sectio I.

g) Optimam hanc methodum pro replendis vasculis nostris semper reperi. Nunquam successit alia, quam Ill. COTUNNI, & post eum Cl. SABATIER in *Traité complet*

d' Anatomie Tome II. Paris 1775. p. 31. indicat; nullam enim fistulam ANELLIANAM, licet punctis lacrymalibus optime adaptatam, initio diverticuli immittere mihi licitum fuit.

h) Vasa hæc eliminatam per apertum cochleæ diverticuli extremum in cranii basin aquulam resumunt ac sanguini venæ jugularis admiscunt, sicuti id fit in receptaculo membranaceo vestibuli diverticulo continuo.

§. XXXII.

Ultimus auditus organi mechanismus.

Absoluta jam cunctarum auris intimæ ad ultimum auditus mechanisum summe necessariarum partium historia *i)*, superest, ut ipsum, de quo supra jam fuit prælibatum *h)*, brevibus adumbrem. Movetur prima aquula, in anteriori vestibuli cavitate locata, a stapedis basi in illam descendente; dumque movetur, allidit ad septum, quod quidem exinde aliquatenus convexo-concavum redditur, ac quoniam ipsum nervosum est, in aquula factam mutationem jam ex hac parte ad sensorium commune deferit; propter resistantiam tamen, quam tanquam membrana aquulæ opponit, ipsam duo canalium semicircularium ostia *l)* & ostium cochleæ ante id posita, subire cogit; quo fit, ut pulsa per continuos hisce ostiis mæandros circumferatur in iisque circulum absolvat *m)*, qui ideo undoso-tremulus statuendus, quum stapes a suis viribus exagitatus *n)* motum antea dictum iterum iterumque vibrans

i) A §. XIX. ad XXXI. Diverticulorum necessitas licet in dubium vocata sit ab Ill. CALDANI in *libr. cit.* p. 239. ut credo a nobis in §. XXV. demonstrata fuit. Nec, post frequentissimas ipsorum disquisitiones, ea æque essentialia labyrinthi loca, ac sunt canales semicirculares & cochlea, dicere, hæsito, cum & peculiari fragili substantia, quæ labyrinthi constitutivis partibus peculiaris est, mihi cum iis convenire semper fuerint visa.

h) Vid. §. XVIII.

l) Anterius nempe horizontalis & perpendicularis superioris v. §. XXI.

m) Patet ideo canalium semicir-

cularium & cochleæ scalarum utilitas; per eos ex una vestibuli cavitate in alteram propagatur aquula, quod ad septi restitutionem necessario requiritur; per has tam a vestibulo, quam a tympano inde (a tremente nempe fenestræ rotundæ membranula) agitatus circumfertur humor.

n) Hujus musculus irritatur dum chorda tympani per cellulosos nexus cum tympani membrana & per mallei manubrium in tremores agitur, eoque se contrahente, movetur, ossiculum ita ut ipsius baseos posterior pars vicissim in vestibuli aquulam descendat, vicissimque



exferat; sub hoc ipso vero itinere impingit aquula nostra in pul-
pam nerveam, hisceque partibus, mere medullaribus par-
tim ipsi innatantibus, partim tenerrima membranula ob-
ductis o), quamcunque ipsa patitur mutationem, exacte tra-
dit. Et ita propagatur tremulus motus a sentientibus parti-
bus in illum encephali locum, in quem nervi mollis truncus
finitur.

emergat. Vid. Ill. HALLERI *Elem. Phys.* T. V. pag. 283. In genere omnium ossiculorum carnum hæc videtur motus causa esse; ut ideo non egeamus nerveis furculis in tympani membranam dispersis, LOESEKIO dictis, Illustri PRÆCE-

PTORI nunquam visis.

o) Ut itaque pateat, auditus se-
dem in toto labyrintho, non in
parte ipsius tantum esse. Vid. Ill.
HALLERI *Elem. Phys.* T. V. pag.
290. de *Sede Auditus*.



TABULÆ EXPLICATIO.

I. Junioris felis caput, lateraliter & inferne spectatum.

- a. Membrana tympani annulo suo excepta.
- b. Tympanum cartilagineum.
- c. Fenestra rotunda pellucens.
- d. Oppositi lateris eadem partes.
- e. Foramen magnum ossis occipitis.
- f. Ejusdem ossis portio.

II. Ejusdem capitis apertum tympani cavum.

- a. Antrorsum reclinatus annulus cum membrana fira.
- b. Pars tympani cartilaginea ad posteriora versa.
- c. Cochlea cum fenestra rotunda nunc nuda.
- d. Officulorum auditus portiones.
- e. f. ut in Fig. I.

III. Tympanum ejusdem animalis apertum, magnitudine auctum.

- a. b. c. ut in Fig. II.
- d. Mallei caput & manubrium.
- e. Stapedis supra foramen ovale locati crura.
- f. Incus.
- g. Processus zygomaticus.

IV. Adulti hominis labyrinthus sinistri lateris a posteriori parte cernuus.

- d. Diverticulum vestibuli.
- e. Diverticuli cochleæ latum extremum.
- h. Canaliculum semicircularium perpendicularium, superioris k, posterioris i, communis pars.
- l. Canaliculus semicircularis horizontalis.



- m. Peträ apex.
- n. Foramen acusticum internum.
- o. Diverticuli vestibuli angustior pars.

V. Idem labyrinthus ab anteriori & inferiori parte apertus.

- a. Initium diverticuli vestibuli.
- b. Idem diverticuli cochleæ.
- c. Ostium commune canalium perpendiculararium.
- d. Diverticuli vestibuli exterior portio.
- e. Cochleæ diverticulum, nunc totum apparens.
- f. Laminae spiralis cochleæ initium.
- g. Cochleæ apex.
- h. i. k. l. ut Fig. IV. sed aperti canales.
- m. ut Fig. IV.

VI. Vestibuli diverticulum adulti hominis totum elaboratum, a posteriori parte visum, cui feta immissa.

- a. Latior ipsius pars exterior.
- b. Angustum in vestibulum apertum initium.
- c. Setæ immissæ portio per artefactam aperturam cernua.

VII. Cochleæ diverticulum intra quod feta.

- a. Latum inferius extremum.
- b. Angustum initium.

VIII. & IX. Eadem ac IV. & V. modo alterius lateris.

X. Fetus humani labyrinthus sinister postice visus.

- d. Vestibuli diverticuli rudimentum.
- e. Cochleæ diverticuli rudimentum.
- Reliqua eadem ac in Fig. IV.



XI. Ejusdem labyrinthus ab anteriori & inferiori parte apertus; canales semicirculares clausi; sed eorum ostia distincta sunt.

Litteræ easdem partes indicant ac in Fig. V.

XII. Vituli labyrinthi sinistri lateris posterior pars.

d. Diverticulum vestibuli.

e. Illud cochleæ.

h. i. k. l. ut in Fig. IV. & X. sed canales angustia notabiles.

m. Apex petræ.

n. Foramen auditorium internum nervorum sedibus distinctum.

XIII. Ejusdem animalis labyrinthum apertum offert.

a. Initium diverticuli vestibuli, in animalibus minus.

b. Id cochleæ majus quam in homine.

Cætera ex Figura XI. repetenda.

XIV. Junioris felis sinister labyrinthus.

Cuncta ut in Fig. X. & V.


g. Cochleæ apex.

XV. Idem antice apertus. Canales semicirculares aperti.

Vid. Fig. V.




I.




II.




III.




IV.




V.



VI.




VIII.




IX.




VII.




X.




XI.



XII.




XIII.



XIV.



XV.





T H E S E S.

I.

Glandulæ thymus ea in fetu videtur esse utilitas, ut pulmones inter, nondum aëre dilatatos, spatium expleat.

II.

Perit inde hæc glandula in adulto, ubi pulmones per respirationem dilatantur.

III.

Glandularum mammæ ductus lactiferi, vix anastomosis ullibi inter se jungi videntur. Attamen sufficientia experimenta nondum sunt instituta.

IV.

Nervi intercostalis plerumque dicta origo, potius ejus finis est.

V.

Acutus angulus, quem cum VIto pari nervorum cerebri facit intercostalis; aucto post hujus insertionem sexti crassities; color rubicundus, nervo intercostali proprius; ac deficiens huic nervo commune omnibus e cranio exeuntibus nervis ab integumentis cerebri involucrum, asserti veritatem testantur.

VI.

Sinus narium non sunt ad mucum retinendum; semper enim eo destituti & in homine & in animalibus reperiuntur.

VII.

Neque ad olfactum facere videntur hi sinus; membranæ quippe eos obducentes tota natura ab illa SCHNEIDERI differunt.



VIII.

Sed ad vocem atque loquelam sonoram & distinctam reddendam, ipsos symbolam suam contribuere, extra controversiam est.

IX.

Frequens & immedicabilis surditatis causa est stapedis baseos cum margine foraminis ovalis concrefcentia, item incudis cum malleo anchylosis, quam observavi.

X.

Ad descensum testiculorum ex abdomine fetus in scrotum vix aliquid faciunt respiratio & contractio musculorum abdominalium.

XI.

Uteri fundi & corporis substantia ab illa cervicis evidenter diversa est.

XII.

Qui ope injectionis cum mercurio institutæ nexum placentæ cum utero quærunt, non cogitant, mercurium ponderosum disrumpere tenera illa conhæsionis vascula.

XIII.

Auripigmentum minime venenis accenferi debet.

XIV.

Hyrudinum topica ad partes inflammatas applicatio nimis negligitur.

